

BESTELAKO XEDAPENAK

SPRI-ENPRESEN GARAPENERAKO EUSKAL AGENTZIA

5123

EBAZPENA, 2025eko azaroaren 10ekoa, SPRI-Enpresa Garapenerako Euskal Agentziako zuzen-dari nagusiarena, 2025erako «Datuen heldutasunaren diagnostikoa» laguntza-programaren oinarri arautzaileak eta deialdia onartzen dituen, Europar Batasuneko NextGenerationEU funtsek finantzatutako Suspertze, Eraldaketa eta Erresilientzia Planaren esparruan.

SPRI-Enpresa Garapenerako Euskal Agentziak, Eusko Jaurlaritzako Industria, Trantsizio Energetiko eta Jasangarritasunaren Sailaren mendeko zuzenbide pribatuko erakunde publikoak, Euskal Autonomia Erkidegoan industria- eta enpresa- jarduera bultzatzeko jarduketak bideratzeko eta lehiakortasuneko bektore gisa trantsizio teknologiko-digitala, energetiko-ingurumenekoa eta demografiko-soziala Euskadiko enpresetan txertatzen laguntzeko ardura du. Horretarako, enpresen jarduera ekintzailean inbertsioa, berrikuntza, nazioartekotzea eta jarduera sustatzea bultzatzen ditu.

Ildo horretatik, Euskadi 2025 Eraldaketa Digitalerako Estrategia bultzatzera bideratutako hainbat ekintza garatu ditu SPRI-Enpresa Garapenerako Euskal Agentziak. Ekintza horien artean, aipatzekoak dira Euskadiko enpresetan eraldaketa digitala eta adimen artifiziala bultzatzera bideratutako askotariko laguntza-programak.

Ondorioz, Laguntza Programa honen lehentasunezko helburua datuen estrategia sustatzea da, datuen kudeaketan heldutasun maila handitzeko eta datuen espazioetara sartzea bizkortzeko, Adimen Artifiziala (AA) euskal enpresetan aplikatu dadin bultzatzeko.

Ildo horretan, abian jarritako beste ekimen batzuen osagarri gisa, «Datuen heldutasunaren diagnostikoa» («Programa») izeneko programa hau abiarazten da. Programa horren helburua da enpresa-lehiakortasuna hobetzea, datuen kudeaketa estrategikoaren bidez. Horretarako, diagnostiko-zerbitzu bat ematen da, hau da, datuen heldutasun maila ebaluatzen da, eta edozein tamaina eta jardura ekonomikotako enpresei datuen estrategiaren arloko aholkularitza indibidualizatu ematen zaie.

Dirulaguntzen Erregimena Arautzen duen 2023ko abenduaren 21eko 20/2023 Legeak (DEAL) 7.2.a) artikuluan eskatzen du lege horrek ezartzen duen dirulaguntzen kudeaketa eta esleipena hainbat printzipioren arabera egiteko; besteak beste, publizitate-printzipioaren arabera. Era berean, DEALen 8.3 artikulua ezartzen du dirulaguntza edo diruz lagundutako programa mota bakoitzaren oinarri arautzaileak argitaratu behar direla Euskal Herriko Agintaritzaren Aldizkarian.

Hori guztia dela eta, honako hau

EBAZTEN DUT:

Lehenengoa.— 2025erako «Datuen heldutasunaren diagnostikoa» laguntza-programaren oinarri arautzaileak eta deialdia onartzea, Europar Batasuneko NextGenerationEU funtsek finantzatutako Suspertze, Eraldaketa eta Erresilientzia Planaren esparruan. Programa horren edukia ebazpen honen eranskin gisa erantsi da.

Bigarrena.— Ebazpen hau Euskal Herriko Agintaritzaren Aldizkarian osorik argitaratzea.

Hirugarrena.— Ebazpen honen kontra, berraztertzeko errekurtoa jar daiteke SPRI-Enpresa Garapenerako Euskal Agentziaren Zuzendaritza Nagusiaren aurrean, hilabeteko epean, ebazpen hau argitaratzen den egunaren biharamunetik kontatzen hasita, edo administrazioarekiko auzi-errekurtoa administrazioarekiko auzien jurisdikzioan, bi hilabeteko epean, ebazpen hau argitaratzen den egunaren biharamunetik kontatzen hasita.

AZKEN XEDAPEN BAKARRA

Ebazpen honek eragina izango du Euskal Herriko Agintaritzaren Aldizkarian argitaratu eta hurrengo egunetik hasita.

Bilbao, 2025eko azaroaren 10a.

SPRI-Enpresa Garapenerako Euskal Agentziako zuzendari nagusia,
JON ANSOLEAGA UGARTE.



ERANSKINA

2025erako Datuen Heldutasunaren Diagnostikoa laguntza-programaren oinarri arautzaileak, Europar Batasuneko NextGenerationEU funtsek finantzatutako Suspertze, Eraldaketa eta Erresilientzia Planaren esparruan.

SPRI-Enpresa Garapenerako Euskal Agentziak (SPRI), Eusko Jaurlaritzako Industria, Trantsizio Energetiko eta Jasangarritasunaren Sailaren menpeko zuzenbide pribatuko erakunde publikoak, hainbat ekintza gauzatzen ditu Euskal Autonomia Erkidegoan (EAE) industria, lehiakortasuna, enpresen arteko lankidetzak, ikerketa eta, besteak beste, enpresen garapena sustatzeko.

Euskadi 2025 Eraldaketa Digitalerako Estrategian (EEDA2025) definitutako jardute-politikekin bat datorren tresna bat da «Datuen Heldutasunaren Diagnostikoa» programa, Euskadiren Eraldaketa Digitalerako Plan Estrategikoa.

Programa Digitalizazioko eta Adimen Artifizialeko Estatu Idazkaritzaren 2023ko ekainaren 13ko ebazpenaren esparruan sartzen da. Ebazpen horren bidez baimentzen da parte hartu duten autonomia-erkidegoei zuzendutako diruzko ekarpena, Europar Batasunak Next Generation EU finantzatutako Suspertze, Eraldaketa eta Erresilientzia Planeko 1. Inbertsioko 12. Osagarriaren baitan Espezializazio Teknologikoko Lurralde Sareen Programan (RETECH) jasota dauden proiektuak aurrera eramateko.

Ondorioz, Laguntza Programa honen lehentasunezko helburua datuen estrategia sustatzea da, datuen kudeaketan heldutasun maila handitzeko eta datuen espazioetara sartzea bizkortzeko, Adimen Artifiziala (AA) euskal enpresetan aplikatu dadin bultzatzeko.

Azkenik, aipatu beharrekoa da Programa hau erakundearen Dirulaguntzen Plan Estrategikoan jasota dagoela, zeina 2025-2028 aldirako onartu baitzen Eusko Jaurlaritzaren Industria, Trantsizio Energetiko eta Jasangarritasuneko sailburuaren 2025eko urtarrilaren 24ko Aginduen bidez (erakundearen gardentasun-atarian argitaratuta dago), eta Planaren helburu hau lortzen laguntzen du: Adimen Artifizialaren eta Datuen Estrategiaren proiektuak implementatzen laguntzea.

1. artikulua.– Xedea.

Oinarri hauen helburua da Datuen Heldutasunaren Diagnostikoa egiteko gauzazko laguntzak emateko baldintzak definitzea, SPRI-Enpresa Garapenerako Euskal Agentziak (SPRI) proposatutako eta, aldi berean, BAIC – Adimen Artifizialeko Euskal Zentroak («BAIC») prestatutako diagnostiko-metodologiaren bidez, UNE 0080:2023 espezifikazioan (Datuen Gobernu, Kudeaketa eta Kalitatearen Kudeaketaren ebaluazio-gida) eta UNE 0087:2025 espezifikazioan (Datuen espazioen definizioa eta karakterizazioa) oinarrituta.

Programa honen helburu den gauzazko laguntza enpresa onuradunari diagnostikoa egitea izango da, aholkularitza espezializatu eta indibidualizatua barne, diruz lagundutako proiektua gauzatzeko. Azken batean, Datuen Heldutasunaren Diagnostikoaren zerbitzua eskaintzea izango da.

Suspertze, Eraldatze eta Erresilientzia Planaren 12. osagaian jasotako C12.11 inbertsioaren barruko jardura da, eta CID 180. helburuari laguntzen dio. Jarduketa horren helburuak betetzeko ekarpena egingo du, suspertze- eta erresilientzia-mekanismoa eta Europako eta estatuko Suspertze Plana arautzen dituen araudiaren arabera.

Oinarri arautzaile hauen babespean emandako dirulaguntzak Suspertze eta Erresilientzia Mekanismoa ezartzeko 2021eko otsailaren 12ko Europako Parlamentuaren eta Kontseiluaren (EB) 2021/241 Erregelamenduak ezarritako Suspertze eta Erresilientzia Mekanismoaren bitartez finantzatuko dira. Europako funtsekin finantza daitezkeen dirulaguntza horien tramitazioari eta esleipenari Administrazio Publikoa modernizatzeko eta Suspertze, Eraldaketa eta Erresilientzia Plana exekutatzeke premiazko neurriak onartzen dituen 2020ko abenduaren 30eko 36/2020 Errege



Dekretuan aurreikusitakoa aplikatuko zaio, aplikagarria den gainerako araudia alde batera utzi gabe.

2. artikulua.– Laguntzen izaera.

1.– Gauzazko laguntza horiek ondoko esleipenaren arabera emango dira. Ondorioz, banaka eta modu ordenatuan ebatziko dira, oinarri hauetan zehaztutako dokumentazio guztiarekin eskaera osatu den unea kontuan hartuta.

2.– Programa hau aplikatzearen ondorioz emandako laguntzek garrantzi txikiagoko edo de minimis laguntza izaera dute. Ondorioz, 2023ko abenduaren 13an Europako Batzordeak onartutako (EB) 2831/2023 Erregelamenduak xedatutakoaren mende egongo dira («2831/2023 Erregelamendua»).

3.– Programa honen bidez ematen diren laguntzak itzuli beharrik gabeko dirulaguntzak izango dira.

4.– Programa honen barruan emandako dirulaguntzek ez dute lotura zuzenik esportatutako kopuruekin, banaketa sare bat sortu eta ustiatzearekin, edo esportazio jarduerarekin lotutako beste gastu arrunt batzuekin.

3. artikulua.– Baliabide ekonomikoak.

1.– 2025ean eta 2026an laguntzak emateko programa honen helburura bideratutako baliabide ekonomikoak 1.950.000 eurokoak dira, eta SPRI-Enpresa Garapenerako Euskal Agentziaren aurrekontuetan horretarako ezarri diren aurrekontu-zuzkiduretatik etorriko dira. SPRIren aurrekontuak 2025erako Euskal Autonomia Erkidegoko Aurrekontu Orokorretan sartuta daude, eta, azken batean, Europar Batasunak finantzatutako NextGenerationEU Suspertze, Eraldaketa eta Erresilientzia Planean.

Adierazitako hornikuntza ekonomikoa Europako Suspertze Tresnatik eratorritako baliabide finantzarioen bidez finantzatzen da («Next Generation EU»), Suspertze eta Erresilientzia Mekanismoa ezartzeko 2021eko otsailaren 12ko Europako Parlamentuaren eta Kontseiluaren (EB) 2021/241 Erregelamenduak ezarritako Suspertze eta Erresilientzia Mekanismoaren bitartez.

2.– Funtsak mugatuak direnez, programa honen bitartez lortu nahi da ahalik eta denbora tarte txikiena igarotzea laguntza eskatzen denetik ematen den arte, eta horrenbestez, espediente osatua dagoenean eta era ordenatuan egingo da esleipena. Programaren guztizko zenbatekoa gainditzen duten laguntzei ezezkua emango zaie, ebazpen baten bidez. Laguntzak behar bezala jasotako eskaeren ondoko ondoko esleipenaren arabera emango dira.

3.– Deialdi honen xede diren laguntzak osatzen dituzten aholkularitza-zerbitzu espezializatu eta individualizatuen balio zenbatetsia 1.950.000 eurokoa da. Balio hori SPRIk eskuratzearen kostuaren baliokidea da, datuen heldutasunaren diagnostikoa egiteko zerbitzuak emateko lortutako esparru-akordioaren arabera.

4.– Ondoz ondo emandako dirulaguntzen balio metatua artikuluko 3. paragrafoan adierazitako kopurura iristen bada, SPRIko zuzendari nagusiak, dagokion ebazpenaren bidez, egoera horren berri emango du, eta eskaerak egiteko epea itxiko da, baldin eta irekita jarraitzen badu. Ebazpena EHAAn argitaratuko da.

5.– Programarako funtsak agortzen badira, programari amaiera emango zaio, eta horren berri emango du SPRIren zuzendari nagusiak sozietatearen web orrian (www.spri.eus) eta EHAAn argitaratuko den ebazpen baten bidez.

6.– Behin aurrekontu-kreditua bukatuta, ezingo da beste dirulaguntzarik eman eta, hori dela eta, aurkeztu diren, baina ebazteke dauden eskaerak ezetsi egingo dira.



4. artikulua.– Baldintzak eta definizioa.

Programa honen helburuetarako, definizio hauek ezarri dira.

1.– Aholkulari espezializatua: SPRIk –BAICekin lankidetzan– proposatutako diagnostiko-metodologia, datuaren estrategiaren arloan espezifikoa dena, aplikatzeko ebaluazio- eta aholkularitza-zerbitzuak emateaz arduratuko den kanpoko operadorea. SPRIk izapidetutako lizitazio-prozesuan esleipendun izan beharko du eta programaren onuradun den enpresan emango ditu zerbitzuak.

2.– Amaierako txostena: SPRIk proposatutako metodologiaren arabera aholkularitza-enpresa espezializatuak egindako eta enpresa onuradunak baliozkotutako deskargu-dokumentua.

3.– Diagnostikorako metodologia: SPRIk proposatutako metodologia, datuen estrategia sustatzeko eta datu-espazioetan sartzea bultzatzeko. Metodologia hauetan oinarrituta egongo da: UNE 0080:2023 espezifikazioan (Datuaren Gobernu, Kudeaketa eta Kalitatearen Kudeaketaren ebaluazio-gida) eta UNE 0087:2025 espezifikazioan (Datuaren espazioen definizioa eta karakterizazioa).

5. artikulua.– Erakunde onuradunak eta izaera hori lortzeko eskakizunak.

1.– Programa honetan jasotako laguntzak eskuratu ahal izango dituzte EAEn enpresa-jarduerak egiten dituzten pertsona fisiko eta juridikoek, eskaera eginda, 6. artikuluan deskribatutako diruz lagun daitezkeen jarduerak egiteko proiektuak aurkezten badituzte.

Hori guztia, baldin eta:

a) Euskal Autonomia Erkidegoan enpresa-jarduerako zentro bat badute. Hain zuzen ere, aurkeztutako proiektuak zentro horretan izan beharko du inpaktua eta bertan egin beharko da diruz laguntzekoa den jarduerak.

b) Euskadiko Ekonomia Jardueren Gaietako Zergaren dagokion epigrafean alta emanda badaude.

2.– Ezingo dituzte deialdi honetan aurkezten diren dirulaguntzak jaso:

a) Sektore publikoren batekoak edo sektore publikoaren parte direnek, aplikagarriak diren sailkapen instituzionalerako arauen arabera.

b) DEALen 13. artikuluan aurreikusitako egoeraren batean daudenek.

Zehazki, eskatzaileek zerga-betebeharrak, Gizarte Segurantzako betebeharrak eta dirulaguntzen itzulketen betebeharrak betetzen dituztela aintzat hartuko da Ekonomia eta Ogasun Kontseilariak 2023ko otsailaren 13an emandako aginduak ezarritako kasuetan. Hala, dirulaguntzen itzulketen betebeharren ordainketan eguneratuta dagoela aintzat hartuko da zorrak zatikatuta edo atzeratuta eta bermatuta daudenean edo itzultzeko dagokion ebazpenaren inpugnazioa bertan behera uztea adostu bada.

c) Europako Batzordeak laguntza bat legez kanpoko delat edo barne-merkatuarekin bateraezina dela erabaki ondoren, laguntzak errekonfiguratzeko agindu baten menpe daudenek.

d) LGTBIfobia egin, bultzatu edo sustatzen dutenek, bihurketa-terapiak sustatu edo egitea barne, trans pertsonen berdintasun erreal eta eragingarriko eta LGTBI pertsonen eskubideak bermatzeko otsailaren 28ko 4/2023 Legearen arabera.

e) Aurreko hiru urteetan de minimis laguntza gisa 300.000 euro baino gehiago jaso dutenek.



f) 30.000 eurotik gorako dirulaguntzen eta enpresen kasuan soilik, merkataritza-eragiketetan berankortasunaren aurka egiteko neurriak ezartzen dituen 2004ko abenduaren 29ko 3/2004 Legeak aurreikusten dituen ordainketa-epeak betetzen ez dituztenek.

g) 1.1 artikulua arabera, 2023/2831 Erregelamendutik kanpo utzitako sektoreren batean jarduerak egiten dituztenek.

3.– Laguntza-eskaera aurkeztu den unetik hasi eta azken ordainketara arte bete beharko dira aurreko apartatuetan laguntzen onuradun izateko aipatutako eskakizunak.

4.– Aurreko paragrafoetan aurreikusitako alderdiak modu honetan egiaztatuko dira:

a) SPRIk ofizioz egiaztatuko du baldintza hauek betetzen dituela (eskatzaileak aurka egin dezake. Hala bada, kasu bakoitzean eskumena duen organoaren administrazio-ziurtagiri positiboak eman beharko ditu):

- Euskal Autonomia Erkidegoan jarduera-zentro bat dutela.
- Euskadiko Ekonomia Jardueren Gainerako Zergaren epigrafe industrialean alta emanda daudela.
- Zerga-betebeharrak eta Gizarte Segurantzarekiko betebeharrak egunean dituztela.

b) Gainerako baldintzak 9. artikuluko dokumentuak eta informazioa aurkeztuz edo oinarri hauen I. eranskinean jasota dagoen normalizatutako ereduaren arabera erantzukizunpeko adierazpenaren bidez egiaztatuko dira. Bigarren kasu horretan, eskatzaileak betebeharra izango du erantzukizunpeko adierazpen horretan adierazitako dokumentazioa egiaztatzeko SPRIk hala eskatzen dionean, Administrazio Publikoen Administrazio Prozedura Erkidearen 2015eko urriaren 1eko 39/2015 Legearen 69. artikuluan eta DEALen 13.9 artikuluan aurreikusitako eskakizunak betez. Erantzukizunpeko adierazpenaren bidez egiaztatutako baldintzen egiazkotasuna ikuskapen bidez edo dokumentazioa eskatuz egiaztatu ahal izango da hala badagokio.

c) Enpresetan eta 30.000 eurotik gorako dirulaguntzen kasuan soilik, merkataritza-eragiketetan berankortasunaren aurka egiteko neurriak ezartzen dituen abenduaren 29ko 3/2004 Legeak aurreikusten dituen ordainketa-epeak bete direla ziurtatuko da, Erantzukizunpeko Adierazpenaren bidez, auditorearen ziurtagiriaren bidez edo adostutako prozeduren txostenaren bidez.

6. artikulua.– Diruz lagundu daitezkeen jarduerak eta gauzatzeko epea.

1.– Enpresa onuradunak dirulaguntza jaso ahal izango du datuen heldutasunaren diagnostiko-proiektuak egiteko zerbitzuak jasotzen baditu eta diagnostiko-proiektu horiek proposatutako diagnostiko-metodologiaren arabera egiten badira.

Ez da diruz lagunduko lizitatutako esparru akordioaren bidez SPRIk erositako zerbitzuaz bestelako beste jarduerarik.

Datuen Heldutasunaren Diagnostikoa proiektua ezin izango da hasi emate-ebazpena argitaratu aurretik.

Deialdi honen baitan, enpresa bakoitzak dirulaguntzaren eskaera bakarra aurkeztu ahal izango du eta Datuen Heldutasunaren Diagnostikoaren proiektu bakar bat egin ahal izango du.

Datuen Heldutasunaren Diagnostikoa egiteko proiektuek baldintza hauek bete beharko dituzte:

a) SPRIk proposatutako diagnostiko-metodologia erabiltzea.



b) Euskal Autonomia Erkidegoko enpresetan «Datuen Heldutasunaren Diagnostikoa» egiteko zerbitzuak emateko helburuz SPRIk bultzatutako Esparru Akordioaren erakunde esleipendun batek egitea, programaren onuradunaren aukeraketan oinarrituta. Programaren enpresa onuradunak ezin izango du SPRIk bultzatutako esparru-akordioaren erakunde esleipendunik hautatu lana egiteko, baldin eta erakunde horrekin zuzeneko edo zeharkako lotura badu, akzioen edo partaidetzen bidez.

c) Zerbitzua emateko lanaldien kopurua Laguntza Programaren enpresa onuradunaren tamainak zehazten du, mikroenpresen eta enpresa txiki eta ertainen definizioari buruzko 2003ko maiatzaren 6ko 2003/361/EB Batzordearen Gomendioaren arabera. Laguntza-programaren enpresa onuradunaren tamaina bakoitzerako zehaztutako lanaldi-kopurua honako hau da:

- Mikroenpresentzako eta enpresa txikientzako diagnostikoak: zerbitzua 6 lanalditan finkatzen da.
- Enpresa ertainentzako diagnostikoak: zerbitzua 10 lanalditan finkatzen da.
- Enpresa handientzako diagnostikoak: zerbitzua 14 lanalditan finkatzen da.

d) Proiektuak gauzatzeko gehieneko epea 2026ko ekainaren 30a izango da.

Inola ere ez da diruz lagunduko Europar Batasuneko kide diren beste herrialde batzuetara edo hirugarren herrialdeetara esportatzea; eta, ondorioz, Programa honen testuinguruan diruz lagundutako dirulaguntzek ezingo dute zuzenean lotuta egon esportatutako kuantitateekin, banaketa-sare bat martxan jarri eta ustiatzearekin, edo esportazio-jarduerarekin lotutako beste ohiko gastu batzuekin. Programa honen barruan emandako dirulaguntzek ezingo dute baldintzatu inportatutako produktuen ordeztu bertako produktuak erabiltzea.

2.– DEALen 31.1 artikuluan ezarritakoaren arabera, onuradun batek azpikontratatu egiten duela ulertuko da hirugarren batekin adosten duenean dirulaguntzaren xede den jarduera osorik edo zati batean gauzatzea. Kontzeptu horretatik kanpo da onuradunak diruz lagundutako jarduera bere kabuz gauzatzeko egin beharreko gastuen kontratazioa. Hori horrela, azpikontratazioa edo hirugarrenen kontratazioa diruz lagundutako jardueraren zenbatekoaren % 100era iritsi ahal izango da, eta diruz lagundutako jardueren azpikontratazioarako edo hirugarren kontratazioarako aplikagarri izango dira aipatutako artikuluetan jasotako gainerako aurreikuspenak.

Horretarako, 31. artikuluan eta bere garapenerako araudian xedatutakoa aplikatuko da. Organo kontzesio-emaileak balizko azpikontratisten identifikazio-datuak gorde beharko ditu funtsen azken hartzaile gisa, Europako Parlamentuaren eta Kontseiluaren 2021eko otsailaren 12ko 2021/241 Erregelamenduaren 22.2.d) artikuluan ezarritakoaren arabera.

Nolanahi ere, erakunde onuradunak azpikontratatzailen berri eman beharko dio dirulaguntzaren organo kontzesio-emaileari idatziz, eta bere kontratek eta/edo azpikontratek interes-gatazkarik ez dutela adierazi beharko du.

Oro har, SEMek egiturazko aldaketa bat dakarten eta errepikakorak ez diren gastuak soilik finantzatzeko ditu. Gastu horiek inpaktu iraunkorra izan beharko dute erresilientzia ekonomiko eta sozialean, jasangarritasunean, digitalizazioan, epe luzeko lehiakortasunean eta enpleguan. Oinarri hauei dagozkien dirulaguntzek 2020ko abenduaren 30eko 36/2020 Errege Dekretuaren 37. artikuluekin bat datozen jarduketak soilik finantzatzeko dituzte, SEEPen esparru arautzailearen arabera hautagarriak diren jarduketak finantzatu ahal izateko. Ezingo dira diruz lagundu Europar Batasunak klimaren eta ingurumenaren arloan dituen arauak eta lehentasunak, eta «kalte adierazgarriak ez eragiteko» printzipioa («do no significant harm – DNSH» printzipioa) erabat errespetatzen ez dituzten proiektuak, Europako Parlamentuaren eta Kontseiluaren 2020ko ekainaren 18ko (EB) 2020/852 Erregelamenduko 17. artikuluen arabera. Erakunde onuradunek bermatuko dute hori betetzea.



7. artikulua.– Laguntzen modalitatea eta zenbatekoa.

Laguntzak gauzazko dirulaguntza gisa egituratuko dira (minimisen mende).

6. artikuluan deskribatutako gauzazko laguntzaren zenbatekoa enpresa onuradunaren tamainaren arabera zehaztuko da, mikroenpresen eta enpresa txiki eta ertainen definizioari buruzko 2003ko maiatzaren 6ko 2003/361/EB Batzordearen Gomendioaren arabera.

Emandako gauzazko laguntzaren zenbatekoa honako hau izango da, onuradunaren tamainaren arabera:

- Mikroenpresa edo enpresa txiki baten diagnostikoa: 4.140 euro.
- Enpresa ertain baten diagnostikoa: 6.900 euro.
- Enpresa handi baten diagnostikoa: 9.660 euro.

8. artikulua.– Laguntzak metatzea, haien bateragarritasuna eta mugak.

1.– Deialdi honen xede diren laguntzak bateraezinak izango dira beste administrazio edo erakunde publiko edo pribatu batzuek helburu bererako eman ditzaketen beste batzuekin.

Oinarri hauetan araututako dirulaguntza gauzatzeko eskuragarri dauden funtsek errespetatu egingo dute etiketatze klimatikotik (ez du barne hartzen esku hartzeko eremua) eta etiketatze digitaletik (009bis - Digitalizazioarekin lotutako I+G jardueretan inbertitzea –bikaintasuneko ikerketa-zentroak, ikerketa industriala, garapen esperimental, bideragarritasun-azterlanak, sektore digitalarekin lotutako I+G jardueretarako aktibo finakoak edo ukiezinak eskuratzea barne–) eratorritako betebeharrak betetzea, dirulaguntza programari esleitutako ehuneko 0 eta ehuneko 100eko portzentajearekin, hurrenez hurren, Europako Parlamentuaren eta Kontseiluaren 2021eko otsailaren 12ko 2021/241 (EB) Erregelamenduak ezarritako Suspertze, Eraldaketa eta Erresilientzia Planean eta Suspertze eta Erresilientzia Mekanismoan aurreikusitakoaren arabera.

Inola ere ez dira diruz lagunduko Suspertze, Eraldaketa eta Erresilientzia Planean ezarritako etiketatze berdea eta digitala betetzen ez duten proiektuak.

2.– Programa hau aplikatuz emandako laguntzek garrantzi gutxiagoko laguntzen edo de minimis izaera dute.

3.– Erakunde onuradun batek jaso dezakeen de minimis guztien kopurua ezingo da 300.000 eurotik gorakoa izan hiru urteko edozein alditan zehar.

4.– De minimis laguntzak ez zaizkio metatuko Estatuko inongo dirulaguntzari, diruz lagun daitezkeen gastu horiei dagokienez, baldin eta metatze horrek gaindituko balu laguntzaren intentsitatea edo dagokion gehieneko laguntzaren kopurua. Gehieneko kopuru hori kasu bakoitzaren ezaugarri zehatzen arabera dago ezarrita, kategorien araberrako salbuespen-araudi baten edo Batzordeak harturiko erabaki baten bitartez.

5.– Aurrez aipatutako muga horiek edo programa honek zehazten dituen beste batzuk gaindituz gero, soberako kantitatea murriztu egingo da programaren arabera emandako zenbatekotik.

6.– De minimis laguntzak emandakotzat hartuko dira enpresari laguntza jasotzeko eskubide legala ematen zaion unetik hasita.



9. artikulua.– Laguntza-eskaera.

1.– Eskaerak, errekerimenduak, jakinarazpenak, zuzenketak eta oinarri hauen ondoriozko gainerako kudeaketak bitarteko elektronikoak erabiliz egingo dira SPRIren webguneaz baliaturik.

2.– Aurreikusitako dirulaguntzak jasotzeko baldintzak betetzen dituzten erakundeek dirulaguntzaren eskaera bete beharko dute SPRIren webgunean dagoen aplikazio informatikoaren bitartez. Ondoz ondoko pantailak ditu aplikazioak eta eskatzaileek eskatuko zaien informazioa ikusi ahal izango dute horietan, oinarri hauen arabera.

3.– Dirulaguntzaren eskaera hori izenpe elektroniko aurreratuaren bidez (ziurtagiri elektroniko errekonozitu batekin) sinatu beharko du erakundea ordezkatzeko nahikoa ahalorde duen pertsona batek.

4.– Erakunde onuradunaren eta bere legezko ordezkariaren identifikazio-datuak jaso beharko dira laguntza-eskaeran.

5.– SPRIk ofizioz egiaztatuko du ea zerga-betebehar guztiak eta Gizarte Segurantzako betebeharrak betetzen diren, baita enpresa Jarduera Ekonomikoen Zergan alta emanda dagoen ere. Nolanahi ere, dirulaguntzaren eskaera egitean aukera dago eskatzaileak uko egiteko SPRIk ofiziozko egiaztapen hori egin dezan. Kasu horretan, dagokion egiaztatgiak aurkeztu beharko ditu.

6.– Laguntza-eskaerarekin batera agiri eta informazio hauek aurkeztu behar dira:

a) Oinarri Arautzaile hauen Eranskinean ageri den normalizatutako ereduaren edukiaren arabera egindako erantzukizuneko adierazpena.

b) Alderdi hauei buruzko informazioa:

– Aurreko hiru urtetan jasotako de minimis laguntzen zerrenda; bertan adierazi beharko da laguntza hori noiz eman zen, zer erakundek eman zuen, zein programaren baitan eta laguntzaren zenbatekoa.

– Proiektu hori bera gauzatzeko beste erakunde publiko zein pribatu batzuei eskatutako edo/eta haiek emandako dirulaguntzak, bertan adieraziz laguntza hori noiz eskatu zen, eta, hala badagokio, zein organismok eman zuen, zein programaren baitan eta laguntzaren zenbatekoa.

c) Legezko ordezkariaren notario-ahalordea, salbu eta laguntza-eskaera eskatzailearen ordezkariak sinatu badu, pertsona juridikoaren ordezkariaren ziurtagiriaren bidez. Ziurtagiriak indarrean egon behar du eta agintaritza ziurtatzaile batek emandakoa izango da.

d) Eskatzailearen Identifikazio Fiskaleko Txartela/NANa, salbu eta laguntza-eskaera eskatzailearen ordezkariak sinatu badu. Ziurtagiriak indarrean egon behar du, agintaritza ziurtatzaile batek emandakoa izango da eta aukera eman beharko du IFZ zenbakiari eta eskatzailearen izen sozialari buruzko datua egiaztatu ahal izateko. Langile autonomo baten kasuan, nahikoa izango da laguntza-eskaera aitortutako agintaritza ziurtatzaile batek igorritako pertsona fisikoaren ziurtagiri bidez sinatzea. Ziurtagiriak indarrean egon beharko du eta eskatzailearen izen-abizenak eta NAN zenbakiari buruzko datua egiaztatzea ahalbidetu beharko du.

e) Enpresa Espezializatuak aukeratutako aholkularitza-enpresak egindako laneko plana; puntu hauei buruzko informazio zehatza izan behar du:

– Lortu nahi diren helburuen memoria.

– Proiektua gauzatzeko egutegia.



– Proiektuan parte hartuko duen enpresa onuraduneko eta aholkularitza-enpresa espezializatuko lantaldea.

7.– Programaren onuradun gisa azaltzen den enpresaren titulartasuneko dena bakarrik onartuko da abisuak jakinarazteko posta elektronikoko kontu moduan.

8.– Eskatzaileek bermatuta izango dute beren hizkuntza -euskara edo gaztelania- ahoz nahiz idatziz erabiltzeko eskubidea, Programa honen ondorioz SPRIrekin izango dituzten harreman guztietan. Laguntza-eskaera, aurkeztu beharreko dokumentazioarekin batera, hautatutako hizkuntza ofizialean (euskaraz edo gaztelaniaz) aurkez daiteke. Halaber, dirulaguntzen eskaeratik eratorritako jardueretan, eta prozedura osoan, erakunde eskatzaileak hautatutako hizkuntza erabiliko da, Euskararen Erabilera Normalizatzeko Oinarrizko 10/1982 Legean, azaroaren 24koan, ezarritakoaren arabera.

9.– Dirulaguntzaren finantzaketa Europar Batasuneko Suspertze eta Erresilientzia Mekanismoetik datorrenez, eskaerarekin batera dokumentazio hau aurkeztu beharko da eta dokumentazio orokorrari gehitu beharko zaio:

a) Onuradunaren zein, hala badagokio, azpikontratisten benetako titulartasuna identifikatzea. Identifikazio hori Europako Parlamentuaren eta Kontseiluaren 2015eko maiatzaren 20ko (EB) 2015/849 Zuzentarauaren 3. artikulua 6. puntuan definitzen den moduan egin beharko da, 2021eko otsailaren 12ko Europako Parlamentuaren eta Kontseiluaren (EB) 2021/241 Erregelamenduaren 22. artikuluari dagokionez 2021eko irailaren 29ko HFP/1031/2021 Aginduaren 10. artikulua ezartzen duen moduan.

2023ko urtarrilaren 24ko HFP/55/2023 Aginduaren 4. artikuluan aipatzen den egiaztapenaren arabera, eskatzaileraren baten titulartasun errealearen daturik ez baldin badago, datu horiek 5 egun balioduneko epean eman beharko zaizkio eskatzen dituen administrazioari. Ezarritako epean informazio hori entregatzen ez bada, prozeduratik kanpo geratzeko arrazoia izango da.

b) Titulartasun errealearen erantzukizunpeko adierazpena, Europako Parlamentuaren eta Kontseiluaren 2015eko maiatzaren 20ko (EB) 2015/849 Zuzentarauaren 3. artikuluko 6. puntuan adierazitakoaren arabera, VI. eranskinaren terminoetan.

c) 2021eko irailaren 29ko HFP/1030/2021 Aginduaren 8. artikulua araberako jarduera ekonomikoak garatzen dituzten erakunde onuradunek Zerga Administrazioari Espainiako Agentziaren Enpresari, profesionalen eta atxikitzaileen eroldan edo Aldundiko Zerga Administrazioaren erolda baliokidean izena emanda daudela egiaztatu beharko dute, eta dirulaguntza eskatzeko epean jarduera ekonomikoa behar bezala garatzen dela erakutsi beharko dute.

d) «Kalte esanguratsurik ez eragiteko» («do no significant harm – DNSH» printzipioa) printzipiora egokitze erantzukizunpeko adierazpena egitea, 2021eko otsailaren 12ko Europako Parlamentuaren eta Kontseiluaren (EB) 2021/241 Erregelamenduaren 2. artikulua 6) apartatuan ezartzen den moduan; eta etiketa klimatikoaren (% 0) eta digitalaren (% 100) kasuan, 2021eko apirilaren 27ko Ministroen Kontseiluak onartutako Suspertze, Eraldaketa eta Erresilientzia Planean aurreikusitakoa betez, IV. eranskinean jasotako formularioaren arabera. Eskatzaileak behar bezala bete beharko du eranskin hori.

e) Interes Gatazkarik Ez Dagoela Adieraztea, VIII. eranskinaren terminoetan.

f) Iruzurraren aurkako politika ezagutzen dela eta horri atxikitzen zaiola adierazteko Erantzukizunpeko Adierazpena, V. eranskinaren terminoetan.

g) Finantzaketa bikoitzik ez dagoela adierazten duen Erantzukizunpeko Adierazpena, VII. eranskinaren terminoetan.



h) Funtsen erabilerari buruzko (EB) 2021/241 Erregelamenduaren 22. artikuluan inplikaturako Administrazio Publikoen artean datuak lagatzea onartzeko adierazpena, indarrean dagoen araudiaren arabera, II. eranskineko terminoetan.

i) BEEP-NextGenerationEU ezarritako zeharkako printzipioak betetzeko konpromisoari buruzko eta kudeaketa-xedearen arloari eragin diezaioketenei buruzko erantzukizunpeko adierazpena, III. eranskinaren terminoetan.

10. artikulua.– Laguntza-eskaerak aurkezteko epea.

Oinarri hauek Euskal Herriko Agintaritzaren Aldizkarian argitaratu eta biharamunean hasiko da laguntza-eskaerak aurkezteko epea, eta 2026ko maiatzaren 29an bukatuko da. Dena den, eskatzaileei zuzendutako arreta teknikoa 2026ko maiatzaren 29ko 15:00etan amaituko da (Espainiako penintsulako ordua).

11. artikulua.– Ebaluazio- eta ebazpen-prozedura.

1.– Laguntza-eskaerak ebazteko, ondoz ondoko emakida-prozedura erabiliko da. Aurkeztu diren ordenaren arabera aztertu eta izapidetuko dira eskaerak, eta behar bezala formalizatuta eta osatuta gelditzen diren neurrian eta hurrenkeran ebatziko dira. Eskaerak akatsen bat badu, eta akats hori zuzendu egin behar bada, zuzenketa egin deneko data hartuko da eskaera aurkeztearen datatzat.

2.– Organo kudeatzaileak kudeatuko ditu laguntza-eskaerak, espedientea osorik dagoen unetik aurrera.

3.– Ebazpena SPRIko Zuzendaritza Nagusiaren titularrak egingo du, ondoz ondoko esleipenaren erregimenean, eta erakunde eskatzaileari jakinaraziko zaio gehienez ere 10 egun balioduneko epean, igortzen denetik zenbatzen hasita. Baiespen- edo ezespen-ebazpen hori SPRIko zuzendari nagusiak emango du, eta eskatzaileari jakinaraziko zaio; halaber, haren aurka berraztertze-errekurtsoa aurkeztu ahal da SPRI-Enpresa Garapenerako Euskal Agentziaren zuzendari nagusiaren aurrean, Administrazio Publikoen Administrazio Prozedura Erkideari buruzko urriaren 1eko 39/2015 Legean ezarritako epe eta moduan. Bestela, zuzenean, Bilboko administrazioarekiko auzietako epaitegien aurrean administrazioarekiko auzi-errekurtsoa aurkeztu ahal izango da.

4.– Ebazteko epea. Eskaeren gaineko ebazpena espresuki emateko eta jakinarazteko gehieneko epea sei hilabetekoa izango da eskaera osatuta geratzen den dataren hurrengo egunetik zenbatzen hasita. Jakinarazpena egin gabe epe hori igarotzen denean, interesdunek eskaera baztertuta geratu dela ulertu ahal izango dute.

5.– Ebazpenen berri ematean jakinaraziko da zenbateko dirulaguntza emango den, zein baldintzatan ematen den eta jarduera hori garatzeko beharrezkoa den beste edozein baldintza ere adieraziko da; baita, hala badagokio, ez ematearen arrazoiak ere.

6.– Ebazpena SPRIren webgunean eta EHAAren argitaratuko da, denek izan dezaten emandako laguntzen berri.

7.– Onuradunari esleipenaren ebazpenaren berri ematean, de minimis laguntza bat dela jakinarazi behar zaio.

12. artikulua.– Dirulaguntzaren justifikazioa.

1.– Jarduera amaitu eta 90 egun naturaleko gehieneko epearen barnean, betiere 2026ko ekainaren 30a baino lehen, erakunde onuradunek proiektua burutu izana justifikatu beharko dute, SPRIren webguneko likidazio-eskaeraren inprimakiak betez.



2.– Likidazio-eskaera hori sinadura elektronikoaren bidez sinatu beharko du onuraduna ordezkatzeko ahalorde nahikoa duen pertsona batek.

3.– Erakunde edo pertsona onuradunaren eta haren legezko ordezkariaren identifikazio-datuak jaso beharko dira likidazio-eskaeran.

4.– Likidazio-eskaerarekin batera, aholkularitza-enpresak egindako amaierako txostena aurkeztu beharko da.

5.– 2020ko abenduaren 30eko 36/2020 Errege Dekretuaren 61.3 artikuluan arabera, onuradunek egiaztatu beharko dute Estatuko Aurrekontu Orokorretan Europako funtsen kudeaketarako berariaz esleitutako kredituen kargura dauden aurretik esleitutako beste mailegu edo aurrerapenak ordaintzeko betebeharra egunean dutela. SPRIri dagokio ordaindu aurretik baldintza horiek betetzen direla egiaztatzea, eta, horretarako, erakunde onuradunaren ziurtagiria eskatuko du, beste moduren batean egiaztatu ezin bada.

2021eko otsailaren 12ko (EB) 2021/241 Erregelamenduaren 22.2.e) artikuluan eta Finantza Erregelamenduaren 129. artikuluan (Europako Parlamentuaren eta Kontseiluaren 2018ko uztailaren 18ko 2018/1046 Erregelamendua –EB, Euratom–) ezarritakoaren arabera, Suspertze eta Erresilientzia Planaren funtsak jasotzeko, Batzordeak, iruzurraren aurkako Europako bulegoak, Europako Kontu Auzitegiak, Europako Fiskaltzak eta autoritate nazional eskudunek beren kontrol-konpetentziak gauzatu ahal izateko eskubideak eta beharrezko sarbideak lagatzeko konpromisoa aurkeztu beharko da idatziz.

Ezarritako baldintzak eta oinarri hauetan araututako dirulaguntzak esleitzeko garaian aurreikusitako helburuak bete direla egiaztatzeko, DEALen eta bere garapen-araudian ezarritako prozedurak egin beharko dira, eta 2020ko abenduaren 30eko 36/2020 Errege Dekretuaren 63. artikuluan aurreikusitako neurri bereziak eta, hala badagokio, Europar Batasunaren araudi aplikagarria aplikatuko dira.

Erakunde onuradunek administrazio kontzesio-emaileak egindako egiaztapen-jarduerak, Kontu-hartzailetza Nagusiari dagozkion finantza-kontroleko jarduerak eta Kontu Auzitegiaren legerian aurreikusitakoak bete beharko dituzte, bai eta Europako Erkidegoetako Batzordeak eta Kontu Auzitegiak, Iruzuraren Aurkako Europako Bulegoak, Auditoretzako Bulego Nazionalak eta, hala badagokio, Europako Fiskaltzak egin ditzaketenak ere.

Nolanahi ere, oinarri hauetan araututako dirulaguntzei Suspertze, Eraldaketa eta Erresilientzia planerako ezarritako jarraipena, kontrola eta ebaluazioa egingo zaizkie, eta barne-araudiak eta Europar Batasunekoak EBren Suspertze eta Erresilientzia Mekanismoarako ezarritako informazioari eta publizitateari, kontrolari, egiaztapenari, jarraipenari, ebaluazioari eta gainerako betebeharrei buruz ezarritako betebeharrak bete beharko dituzte.

6.– Zehazki, auditoretza eta kontrola egiteko eta suspertze- eta erresilientzia-planaren esparruan erreformak eta inbertsio-proiektuak exekutatzeko neurriei dagokienez funtsen erabilerari buruzko datu alderagarriak izateko, Administrazio kontzesio-emaileek datuen kategoria harmonizatuak jasoko dituzte, Europako Parlamentuaren eta Kontseiluaren 2021eko otsailaren 12ko (EB) 2021/241 Erregelamendua 22.2 d) artikuluan zehaztutakoaren arabera.

7.– Erakunde onuradunek finantzaketarekin lotutako dokumentu justifikatzaileak eta gainerako dokumentazioa gorde beharko dute formatu elektronikoan bost urteko epean operazioetik zenbatzen hasita, edo hiru urteko epean dirulaguntzaren zenbatekoa 60.000 eurotik beherakoa bada, Europako Parlamentuaren eta Kontseiluaren uztailaren 18ko 2018/1046 Erregelamenduaren (EB, Euratom) 132. artikuluan aurreikusitako terminoetan («Finantza Erregelamendua»).



13. artikulua.– Laguntza- eta/edo likidazio-eskaerak zuzentzea.

1.– Laguntza- edota likidazio-eskaerak ez badaude behar bezala beteta puntu guztietan edo ez bada eskatutako dokumentazio osoa ekartzen, SPRIk 10 egun balioduneko epea emango dio erakundearen legezko ordezkariari akatsa zuzentzeko edo beharrezko agiriak helarazteko.

2.– Epe horretan akatsa zuzendu ez bada, laguntza-eskaeren kasuan, eskaera ukatuko da, helburu horretarako agindutako ebazpen baten bidez.

14. artikulua.– Laguntza ordaintzea.

Gauzazko laguntza (zerbitzua) emate-ebazpenarekin batera jarriko da eskuragarri.

15. artikulua.– Erakunde onuradunen betebeharrak.

1.– Onuradunen betebeharrak dira DEALen 14. eta 42. artikuluetan jasotakoak, eta zehazki eta xede mugatzailerik gabe, hauek:

a) Emandako laguntza onartzea. Horrekin lotuta, dirulaguntza eman izanaren jakinarazpena jaso eta hamabost egun naturaleko epean, erakunde onuradunak ez badio SPRIren aurrean laguntzari espresuki uko egiten, onartuta geratu dela ulertuko da.

b) Laguntza zer xedetarako eman den, xede hori garatzera bideratzea. Dirulaguntzaren esleipena oinarritzen duen jarduera egitea edo egoera horretan egotea. SPRIren aurrean eskakizunak eta baldintzak betetzen direla justifikatzea, eta dirulaguntzak jasotzeko edo gozatu ahal izateko beharrezkoa den jarduera egitea.

c) SPRIk beharrezkotzat jotako dokumentazio osagarria eska dezakeela eta SPRIk izendatutako langileek, bere edozein instalaziotan, beharrezkotzat eta egokitatzat jotako egiaztapen guztiak egin ditzaketela onartzea. Horien guztien helburua izango da emandako laguntzaren xede den proiektua gauzatu dela eta eskatutako baldintzak bete direla egiaztatzea.

d) Faktura osoak gordetzea eta SPRIren eta Euskal Autonomia Erkidegoko Administrazio Orokorraren esku jartzea bost urtez, gastu hautagarriak gauzatzen direnetik aurrera.

e) Hala badagokio, SPRIk egin beharreko egiaztapen-jarduketak baimentzea edo Eusko Jaurlaritzako Kontrol Ekonomikorako Bulegoak, Euskadiko Kontu Publikoen Auzitegiak edo estatuko zein erkidegoko beste edozein kontrol-organo eskudunek jasotako dirulaguntzen gainean egin beharreko beste edozein egiaztapen eta kontrol finantzario baimentzea, aurretik aipatutako zeregin horiek egiteko beharrezkoa den edozein informazio emanez.

f) SPRIri berehala jakinaraztea laguntzak edo dirulaguntzak edota beste edozein diru-sarrera edo baliabide eskatu edo jaso badute hemen araututako dirulaguntzen xede berbererako edo antzekorako beste Administrazio edo erakunde publiko edo pribatu batzuetatik. Jakin eta berehala jakinarazi beharko da, eta, nolanahi ere, jasotako funtsei emandako aplikazioa justifikatu baino lehen edo justifikatzeko unean.

g) Laguntza emateko garaian kontuan hartutako edozein gorabehera aldatu dela jakinaraztea SPRIri.

h) Hizkerak eta irudiek ikuspegi interseksionala errespetatzea eta, batez ere, sexu- eta genero-ikuspegia kontuan hartzea, dirulaguntza jasoko duen jarduerak edo proiektuak eskatzen dituen dokumentu eta material guztietan. Hizkuntzaren eta irudien erabilera ez-sexista bermatzea, diruz lagundutako proiektua gauzatu bitartean sortzen diren dokumentu eta euskarri guztietan.



i) Herriarren hizkuntza-eskubideak bermatzea eta, batez ere, euskara erabiltzea diruz lagundutako jarduketarekin lotutako argitalpenetan, iragarkietan eta publizitatean.

j) Onuraduna DEALen 48.1 artikuluan aurreikusita dauden egoeretan baldin badago, deslokalizaziorik ez egitea.

k) Erakundearen izaera juridikoak hala eskatzen badu, kontabilitate-liburuak, izapidetutako erregistroak eta behar bezala ikuskatutako gainerako dokumentuak izatea, kasu bakoitzean onuradunari aplikatu beharreko merkataritza- eta sektore-legeriak eskatutako baldintzetan,, baita dirulaguntzen oinarri arautzaileek eskatzen dituzten kontabilitateko egoerak eta erregistroak ere, egiaztatzeko eta kontrolatzeko jarduketak behar bezala egitea bermatzeko.

l) Jasotako funtsen aplikazioaren dokumentu justifikatzaileak gordetzea, dokumentu elektronikoak barne, egiaztatzeko eta kontrolatzeko jarduketak egin ahal izateko.

m) Garatutako jardueraren edo jarduketaren gaineko diruz lagundutako kostuaren soberakina edo jasotako funtsak itzultzea, DEALen 36. artikuluan jasota dauden kasuetan.

n) Dirulaguntza jaso dezaketen programa, jarduera, inbertsio edo jardueren finantzaketaren izaera publikoaren publizitate egokia ematea, gardentasunari buruzko legerian ezarritakoaren arabera.

2.– Onuradunek Europar Batasunaren Suspertze eta Erresilientzia Mekanismoaren finantzaketari dagokionez dituzten betebeharrak bereziak. Onuradunek, gainera, Europar Batasuneko Suspertze eta Erresilientzia mekanismoaren finantzaketari buruzko Europako eta estatuko betebeharrak hauek bete beharko dituzte:

a) «DNSH – Do No Significant Harm Printzipioa» (ingurumenari kalte nabarmenik ez eragiteko printzipioa) erabat betetzen dela bermatzea, bai eta etiketa klimatikoaren (% 0) eta digitalen (% 100) baldintzak ere, Suspertze, Eraldaketa eta Erresilientzia Planean, Espainiako suspertze- eta erresilientzia-planaren ebaluazioa onartzeari buruzko Kontseiluaren Beteazpen Erabakian (Council Implementing Decision – CID), Europako Parlamentuaren eta Kontseiluaren 2021eko otsailaren 12ko 2021/241 (EB) Erregelamenduan eta Suspertze, Eraldaketa eta Erresilientzia Plana eta hura garatzeko araudia kudeatzeko sistema taxutzen duen irailaren 29ko HFP/1030/2021 Aginduaren 5. artikuluan ezartzen denaren arabera, proiektuen diseinuaren eta gauzatzearen fase guztietan eta jarduketa bakoitzerako banaka. Nolanahi ere, erakunde horiek printzipio hori eta neurri zuzentzaileak betetzen direla egiaztatzeko mekanismoak aurreikusiko dituzte, horien ezarpena bermatzeko, eta dirulaguntzaren justifikazio-memorian jasoko dute hori bera.

b) Interes-gatazkak, iruzurra eta ustelkeria ez daudela bermatzea eta dirulaguntza ematen duen Administrazioak onartutako iruzurraren Aurkako Neurrien Plana baldintzarik eta erreserbarik gabe onartzea. Izan ere, plan horren xedapenak oso-osorik bete beharko dira, Autonomia Erkidegoko, Estatuko eta Europako araudia erabat errespetatuz, iruzurra, ustelkeria eta interes-gatazkak prebenitzeari, antzemateari eta zuzentzeari dagokionez, bai eta Europar Batasunaren finantza-interesak babesteari buruz bere erakundeek egiten dituzten erabakiekin bat etorritik ere.

c) Onuradunak dirulaguntzak esleitzen dituen Administrazioari jakinarazi beharko dio helburu berdinerako beste dirulaguntzaren bat jasoz gero estatuko edo nazioarteko beste edozein administrazio edo erakunde publikotatik, baina ezingo da kostu beraren gainean finantzaketa bikoitzik ezarri.

d) Europako Batzordeak, Iruzuraren Aurkako Bulegoak, Europako Kontu Auzitegiak eta Europako Fiskaltzak ezarritako kontrolak betetzea. Horretarako, organo horiei beren dirulaguntzari buruzko informazio guztirako sarbidea emango zaie, Europako Parlamentuaren eta Kontseiluaren otsailaren 12ko (EB) 2021/241 Erregelamenduaren 22.2.e) artikuluan ezarritako terminoetan.



e) Erakundeak dirulaguntza horren finantzaketa Europar Batasuneko SEMetik datorrela badakiela bermatzea, SEM ezartzen duen Europako Parlamentuaren eta Kontseiluaren (EB) 2021eko otsailaren 12ko 2021/241 Erregelamendutik eratorritako betebeharrak guztiak eta finantzaketa honentzat aplikagarriak diren beste arau komunitario eta nazionalak betetzeko. Baldintza hori erantzukizunpeko adierazpen bidez egiaztatuko da.

f) Batzordeari, Iruzuraren Aurkako Bulegoari, Kontu Auzitegiari eta, hala badagokio, Europako Fiskaltzari berariazko baimena ematea Finantza Erregelamenduaren 129.1 artikulua aitortzen dizkien eskubideak gauzatzeko eta suspertze- eta erresilientzia-planaren barruan dauden erreformei eta inbertsio-proiektuei buruzko neurri aplikagarrientzako amaierako hartzaile guztiei edo aplikazioan esku hartzen duten gainerako pertsona edo erakunde guztiei betebeharrak ezartzea, eta Batzordeari, Iruzuraren Aurkako Bulegoari, Kontu Auzitegiari eta, hala badagokio, Europako Fiskaltzari berariazko baimena ematea Finantza Erregelamenduaren 129.1 artikulua aitortzen dituen eskubideak gauzatzeko eta funtsen amaierako hartzaile guztiei antzeko betebeharrak ezartzeko.

g) Jasotako funtsen aplikazioaren justifikazio-dokumentuak (dokumentu elektronikoak barne) zaintzea eta kontserbatzea 5 urtetan zehar, horien egiaztapen- eta kontrol-jarduketak gauzatu ahal izateko, eta finantzaketaren zenbatekoa 60.000 eurokoa edo baxuagoa bada, hiru urtez, Europako Parlamentuaren eta Kontseiluaren 2018ko uztailaren 18ko (EB) 2018/1046 Erregelamenduaren (EB, Euratom) 132. artikuluan eta Europako Parlamentuaren eta Kontseiluaren 2021eko otsailaren 12ko (EB) 2021/241 Erregelamenduaren 22.2.f) artikuluan ezarritakoaren arabera.

h) Suspertze, Eraldaketa eta Erresilientzia Planaren kudeaketa-sistema konfiguratzeko 2021eko irailaren 29ko HFP/1030/2021 Aginduaren 9. artikulua ezartzen dituen komunikazio-betebeharrak betetzea. Bereziki, inbertsioak garatzen dituzten jarduketak gainerako informazio- eta komunikazio-ekintzetan (kartel informatiboak, plakak, inprimatutako argitalpenak eta elektronikoak, ikus-entzunezko materiala, webguneak, iragarkiak eta prentsako agerraldiak, ziurtagiriak, etab.), logo hauek gehitu beharko dira: a) Europar Batasunaren ikurra; b) EBren ikurrarekin batera, «Europar Batasunak-Next Generation EUk finantzatua» testua; c) 821/2014 Exekuzio Erregelamenduko II. eranskinean ezarritako arau grafikoak eta kolore normalizatuak izango dira kontuan.

i) Identifikazio-datuak datu-base batean sartzeko, Europako Parlamentuaren eta Kontseiluaren 2021eko otsailaren 12ko (EB) 2021/241 Erregelamenduaren 22.2.d) artikuluan eta SEEPen kudeaketa-sistema konfiguratzeko 2021eko irailaren 29ko HFP/1030/2021 Aginduaren 8. artikuluan adierazitakoaren arabera.

j) Diruz lagundutako jarduketak exekuzioaren fidagarritasunaren eta jarraipenaren arduradun izatea, jarduketa bakoitzaren lortze-maila ezagutu ahal izateko une oro. Hirugarrengoei garatu beharreko jarduketak kasuan, aurreikusitako jarduketak lortzeko ekarpena bermatzen duten mekanismoak ezartzea eta hirugarrengo horiek Suspertze Planaren adierazleen, mugarrien eta helburuen balioa zehazteko beharrezkoa izan daitekeen informazioa ematea, hala badagokio.

k) Inplikaturako Administrazio Publikoen artean datuak lagatzea onartzea, aplikagarria den Europako araudian aurreikusitakoa, Datu Pertsonalen Babeserako eta eskubide digitalen bermerako 2018ko abenduaren 5eko 3/2018 Lege Organikoa eta 2021eko irailaren 29ko HFP/1030/2021 Aginduaren 8. artikulua osoa betetzeko. Agindu horrek funtsen amaierako hartzailea identifikatzea arautzen du eta bere informazioak eskuragarri egon beharko du 2021eko irailaren 29ko HFP/1031/2021 Aginduaren 10. artikulua ezartzen duen moduan. Hori guztia 2021eko otsailaren 12ko Europako Parlamentuaren eta Kontseiluaren (EB) 2021/241 Erregelamenduaren 22.2.d) artikulua garatzeko.

l) X. eranskinean ezarritako betebeharrak betetzea.



16. artikulua.– Laguntzak aldatzea.

Ezingo da aldatu dirulaguntzaren helmuga edo xedea, esleitutako dirulaguntzaren helburua, eta ezingo dira jarduerak, jarduketak edo portaera moldatu, ezta esleipen-ebazpenean jasota dagoen dirulaguntzaren zenbatekoa igo ere. Halaber, ezingo dira aldatu dirulaguntza emateko onuradunak proposatutako edo eskainitako alderdiak.

Justifikatutako arrazoen bitartez, proiektua exekutatzeko epea luzatu ahal izango da, betiere, horrek ez badu eraginik Suspertze Plan honen proiektuarekin lotutako helburuetan eta hirugarrenen eskubideei eragiten ez badie. Zehazki, programaren kudeatzaileak jarduerak gauzatzeko luzapen bat eman dezake, baldin eta erakunde eskatzaileek hala eskatu eta behar bezala justifikatzen badute; luzapen horren ondorioz, atzeratu egin ahal izango da proiektuak gauzatzeko epea, baina betiere 2026ko ekainaren 30a baino lehen gauzatuta egon beharko du.

17. artikulua.– Ez-betetzeak.

1.– Erakunde onuradunek oinarri hauetan eta gainerako arau aplikagarrietan ezarritako baldintzaren bat eta, hala badagokio, esleipen-ebazpenean ezarritakoren bat betetzen ez badu, jasotako dirulaguntza eta bete ez izana hautematen den unean dagozkion dirulaguntzen arloko berandutze-interesak itzuli beharko ditu, Aurrekontu orokorren 2003ko azaroaren 26ko 47/2003 Legearen 77. artikuluan xedatutakoaren arabera.

Osorik edo partzialki itzuli beharko dira DEALen 36. artikuluan eta haren garapen-araudian aurreikusitakoak.

2.– Itzultzeko prozedura DEALera eta haren garapen-araudira egokitu beharko da. SPRIri dagokio ez-betetzea egiaztatzeko espedientea hasi, izapidetu eta ebaztea.

3.– DNSH printzipioa, etiketa klimatikoa edo oinarri hauetan jasotako baldintzak betetzen ez badira, onuradunak ordura arte jasotako kopuruak itzuli beharko ditu, abenduaren 17ko 698/1991 Dekretuan ezartzen den moduan, zeinaren bidez arautzen baita Euskal Autonomia Erkidegoko Aurrekontu Orokorren kargura emandako dirulaguntzen berme eta ordainketen araubide orokorra eta finkatzen baitira horren kudeaketan parte hartzen duten erakunde laguntzaileen baldintzak, erregimena eta betebeharrak.

4.– Jasotako kopuruak itzultzeko betebeharrak hori aplikagarria izango da baita ere mugarriak eta helburuak, egutegia, interes-gatazken adierazpena edo SEEP-NextGenerationEU araudiarekin lotutako beste edozein alderdi betetzen ez bada, 2023rako Estatuko Aurrekontu Orokorren 2022ko abenduaren 23ko 31/2022 Legearen 7. artikuluko zazpigarren arauan eta Administrazio Publikoa modernizatzeko eta Suspertze, Eraldaketa eta Erresilientzia Plana exekutatzekeo neurriak onartzen dituen 2020ko abenduaren 30eko 36/2020 Legearen 37.4 artikuluan xedatutakoaren arabera. Halaber, kontuan hartuko da Suspertze eta Erresilientzia mekanismoa ezartzeko 2021eko otsailaren 12ko Europako Parlamentuaren eta Kontseiluaren (EB) 2021/241 Erregelamendua.

5.– Aldi boluntario horretan itzulketarik egiten ez bada, premiamendu-bideari ekin ahal izango zaio, aplikagarria den legezko araudian xedatutakoaren arabera.

18. artikulua.– Iruzurraren, ustelkeriaren eta interes-gatazken arriskuaren prebentzioa

1.– Balizko onuradunak hautatzeko prozesuetan edo baldintzak betetzen diren egiaztatzekeo prozesuetan esku hartzen duten pertsonen adierazi beharko dute osorik eta inolako salbuespenik gabe ezagutu eta onartzen dituztela «Suspertze, Eraldaketa eta Erresilientzia Plana gauzatzeko eskatzen diren iruzurraren aurkako, interes-gatazkako, finantzaketa bikoitzeko eta estatu-laguntzetako eta ingurumen-kalte ez-nabarmeneko baldintzak betetzeko neurrien planaren» terminoak, 2022ko martxoaren 29ko Gobernu Kontseiluaren Hitzarmen bidez onartuak. Aurreko apartatuan xedatutakoari



dagokionez, dirulaguntza esleitzeko organo eskudunaren arduradunak, dirulaguntzaren oinarriak eta/edo deialdia idazten dituen pertsonak eta eskaerak ebaluatzen dituzten adituek eta batzordeko kideek betebeharra izango dute plan hori ezagutzeko eta onartzeko, baita jarduketa horietan Administrazioarekin lankidetzan aritzen diren eta aholkularitza eskaintzen duten erakunde pribatuetakoko pertsona fisikoek ere.

2.– 2023ko urtarrilaren 24ko HFP/55/2023 Aginduan xedatutakoaren arabera, bertan ezarritako prozedurak aplikatuko dira.

Gainera, agindu hori betetzeko, esleipenerako organo eskudunak eta eskaerak baloratzeko organo-elkargoetako kideek IX. eranskinean jasota dagoen interes-gatazka espezifikorik ez dagoela adierazteko agiria sinatu beharko dute eskaerak baloratzeko eta esleipena ebazteko fasean. Gainera, operazioaren arduradunak balizko interes-gatazka egiaztatze prozesua egin beharko du, HFP/55/2023 Aginduaren 4. artikuluan xedatutakoaren arabera. Prozesu horretan bandera beltz bat edo hainbat hautematen badira, HFP/55/2023 Aginduaren 7. artikuluan xedatutako prozedura jarraitu beharko da. Horretarako, eskatzaileei eskatu beharko diete titulartasun erreala buruzko informazioa emateko bost egun balioduneko epean. Epe horretan entregatzen ez badute, prozeduratik kanpo geratuko dira.

3.– Aurreko apartatuen barruan dauden pertsonen Interes Gatazkarik Ez Dagoela Adierazten duen agiria beteko dute, VIII. eranskin gisa jasota dagoen ereduaren arabera, eta Europako Parlamentuaren eta Kontseiluaren 2018ko uztailaren 18ko (EB, Euratom) 2018/1046 Erregelamenduaren 61.3 artikuluan («Finantza Erregelamendua») eta Sektore Publikoko Erregimen Juridikoari buruzko 2015eko urriaren 1eko 40/2015 Legearen 23. artikuluan ezarritakoaren arabera.

4.– Interes-gatazkaren bat izan dezaketen autoritateek eta langileek ez dute esku hartuko kaltetutako prozeduretan. Interes-gatazkaren bat egon daitekeela pentsatzen denean, kaltetutako pertsonak idatziz emango dio egoeraren berri hierarkian bere gainetik dagoen pertsonari eta dagozkien Zerbitzu Juridikoek txosten bat egingo dute, dagokien erabakiaren berri emateko (HFP/55/2023 Aginduan kasu zehatzetarako ezarritako prozedura berezia alde batera utzi gabe).

5.– Kontrol Ekonomikorako Bulegoak interes-gatazkek prebenitzeko, hautemateko eta zuzentzeko neurri egokiei buruzko auditoretza espezifikoak egin ahal izango ditu bere kabuz edo IGA Erekin lankidetzan (III. maila).

6.– Interes-gatazka bat hautemandakoan, kasu bakoitzean aplikagarriak diren legezko arauen eta araudien araberrako neurriak hartuko dira. Nolanahi ere, interes-gatazkaren egoeraren berri eman beharko da, gardentasun-printzipioa betetzeko.

AZKEN XEDAPENAK

Lehenengoa.– Aplikatzekoa den araudia.

1.– Programa honi araudi hau aplikatuko zaio:

– Dirulaguntzen Erregimena Aarutzen duen 2023ko abenduaren 21eko 20/2023 Legea.

– Dirulaguntzei buruzko azaroaren 17ko 38/2003 Lege Orokorra eta Lege hori garatzen duen Erregelamendua (uztailaren 21eko 887/2006 Errege Dekretua) dirulaguntza arloko oinarritzko legeriari dagokion guztian.

– Abenduaren 17ko 698/1991 Dekretua, zeinaren bidez arautzen baita Euskal Autonomia Erkidegoko Aurrekontu Orokorren kargura emandako dirulaguntzen berme eta ordainketen araubide orokorra eta finkatzen baitira horren kudeaketan parte hartzen duten erakunde laguntzaileen baldintzak, erregimena eta betebeharrak.



– Europako Batzordearen 2023ko abenduaren 13ko EB 2831/2023 Erregelamendua, Europar Batasunaren Funtzionamenduari buruzko Itunaren 107. eta 108. artikulua de minimis laguntzei aplikatzeari buruzkoa.

– Europako Parlamentuaren eta Kontseiluaren 2021eko otsailaren 12ko (EB) 2021/241 Erregelamendua, Suspertze eta Erresilientzia mekanismoa ezartzekoa.

– Administrazio Publikoa modernizatzeko eta Suspertze, Eraldaketa eta Erresilientzia Plana exekutatzekeo premiazko neurriak onartzeko 2020ko abenduaren 30eko 36/2020 Errege Lege-dekretua.

– Suspertze, Eraldaketa eta Erresilientzia Planaren kudeaketa-sistema konfiguratzeko 2021eko irailaren 29ko HFP/1030/2021 Agindua.

– Estatuko, Erkidegoko eta Tokiko Sektore Publikoko Erakundeek Suspertze, Eraldaketa eta Erresilientzia Planaren osagarrien neurrien aurrekontua eta kontabilitatea exekutatzen dela eta mugariak eta helburuak betetzen direla bermatzeko jarraitu beharreko prozedura eta eman beharreko informazioaren formatua zehazten dituen 2021eko irailaren 29ko HFP/1031/2021 Agindua.

– 2024ko ekitaldirako Euskal Autonomia Erkidegoko Aurrekontu Orokorrak onartzeko 2023ko abenduaren 22ko 21/2023 Legearen II. Tituluko V. Kapitulua.

– Suspertze, Eraldaketa eta Erresilientzia Plana exekutatzekeo prozeduretan interes-gatazkak izateko arriskuaren azterketa sistematikoari buruzko 2023ko urtarrilaren 24ko HFP/55/2023 Agindua.

2.– Halaber, aplikagarriak izango dira:

– Gobernu Kontseiluaren Erabakia, 2022ko otsailaren 8koa, Suspertze, Eraldatze eta Erresilientzia Planari lotutako jardueren eta proiektuen aurrekontu- eta kontabilitate-betearazpenari, kudeaketari eta jarraipenari buruzkoa, Jaurilaritzaren Idazkaritzako eta Legebiltzarrarekiko Harremanetarako zuzendariaren martxoaren 1eko 30/2022 Ebazpenaren bidez argitaratua (2002ko martxoaren 4ko EHAA, 46. zk.).

– «Suspertze, Eraldaketa eta Erresilientzia Plana gauzatzeko eskatzen diren iruzurraren aurkako, interes-gatazkako, finantzaketa bikoitzeko eta estatu-laguntzetako eta ingurumen-kalte ez-nabarmeneko baldintzak betetzeko neurrien plana» onartzen duen Gobernu Kontseiluaren 2022ko martxoaren 29ko Erabakia, Jaurilaritzaren Idazkaritzako eta Legebiltzarrarekiko Harremanetarako zuzendariaren 2022ko apirilaren 6ko 40/2022 Ebazpenaren bidez argitaratua (2022ko apirilaren 13ko EHAA, 74. zk.).

3.– Halaber, erakunde onuradunek derrigorrez bete beharko dituzte dirulaguntza ematen duen administrazioak eta gainerako autoritate nazional eta europar eskudunek ezar ditzaketen arauak, bai eta adierazitako finantzaketaren jatorria dela-eta, dirulaguntza horien onuradun izateagatik ezarritako betebeharrak guztiak ere.

Bigarrena.– Datuen babesa.

Datu Pertsonalak Babesteari eta Eskubide Digitalak Bermatzeari buruzko abenduaren 5eko 3/2018 Lege Organikoan, Europako Parlamentuaren eta Kontseiluaren 2016ko apirilaren 27ko Datuak Babesteko 2016/679 Erregelamendu Orokorrean eta datu pertsonalak babesteko gainerako araudi aplikagarrian ezarritakoarekin bat etorri, jakinarazten da emandako datuak SPRIk tratatuko dituela eta haren Tratamendu Jardueren Erregistroan sartuko direla.



Tratamendu horren helburua, deialdiaren interes publikoan eta parte hartzeko eskabidean oinarritua, eskatutako laguntzaren espedientearen kudeatzea da. Datu pertsonalak tratatzeko oinarri juridikoa da SPRIk duen interes publikoa, SPRI-Enpresa Garapenerako Euskal Agentzia sortzeko estatutuaren ezarritako helburuak betetzeko.

Informazio hori gaian eskumena duen Administrazio Publikoari eta SPRI Taldeko enpresei laga ahal izango zaie.

Laguntza emateko espedientearen izapidetzen den bitartean eta legez eska daitekeen epean gordeko dira datuak, legezko betebeharrak bete ahal izateko.

Interesdun guztiek eskubidea izango dute datuak zuzentzeko edo ezabatzeko, tratamendua mugatzeko, datuen eramangarritasunari aurka egiteko edo tratamendu automatizatuan soilik oinarritutako erabaki baten xede ez izateko, bai eta datuak babesteko araudi aplikagarrian aurreikusitako beste edozein eskubide ere, eskubide horiek aplikagarriak direnean. Horretarako, idatzizko komunikazioa bidali behar da helbide elektroniko honetara: lop@spri.eus. Era berean, interesdunak Datuak Babesteko gure ordezkariarekin harremanetan jarri ahal izango dira, idatzizko komunikazioaren bidez, helbide elektroniko honetan: dpd@spri.eus

Era berean, interesdun orok du edozein erreklamazio aurkezteko eskubidea dagokion kontrol-agintaritzan, eta SPRIren kasuan, Datuak Babesteko Euskal Autoritatea izango da: www.avpd.euskadi.eus

SPRIk Datu Pertsonalen Babeserako esparruan egiten duenaren inguruko informazio gehigarriaren eta xehakatuaren berri izateko, jo <https://www.spri.eus/lege-oharra/> web-orrialdeko pribatutasun-politikara. SPRI-Enpresa Garapenerako Euskal Agentziak oinarri hauei buruz hartzen dituen erabaki guztiak administratiboak dira eta, beraz, administrazioarekiko auzien jurisdikzioa da jurisdikzio eskuduna.



I. ERANSKINA

ERANTZUKIZUNPEKO ADIERAZPENAREN EREDU NORMALIZATUAREN EDUKIA

[Izen-abizenak] jaunak/andreak, [.....] zenbakidun NANA indarrean duenak, [eskatzaillearen izena] ordezkatzan du, [.....] IFZ zenbakia duena eta egoitza soziala [helbidea; Euskal Autonomia Erkidegoan jarduera ekonomikoa duen erakunde eskatzaillearen zentro bat adierazi behar da gutxienez] helbidean duena, eta adierazten du:

I.– Programa honen xede den laguntza jasotzeko indarrean dagoen araudiak ezartzen dituen baldintzak betetzen dituela; zehazki, honakoak:

– Aurreko hiru urteetan minimis laguntza gisa 300.000 euro baino gehiago ez dituela jaso.

– Eskaera honi dagokion atalean alderdi hauei buruzko informazioa jasota dagoela:

a) Aurreko hiru urtetan jasotako de minimis laguntzak; adierazi beharko da laguntza hori noiz eman zen, zer erakundek eman zuen, zein programaren baitan eta laguntzaren zenbatekoa.

b) Proiektu hori bera gauzatzeko beste erakunde publiko zein pribatu batzuei eskatutako edo/eta haiek emandako dirulaguntzak, adieraziz laguntza hori noiz eskatu zen, eta, hala badagokio, zein organismok eman zuen, zein programaren baitan eta laguntzaren zenbatekoa.

– Ezin izango du SPRIk bultzatutako esparru-akordioaren erakunde esleipendunik hautatu lana egiteko, baldin eta erakunde horrekin zuzeneko edo zeharkako lotura badu, akzioen edo partaidetzen bidez.

– Programaren oinarrien 5.2 artikuluan aurreikusitako egoeraren batean ez egotea, hau da:

a) Sektore publikoren batekoak edo sektore publikoaren parte izatea, aplikagarriak diren sailkapen instituzionalerako arauen arabera.

b) DEALen 13. artikuluan aurreikusitako egoeraren batean egotea, hau da.

a) Epai irmo baten bidez dirulaguntza edo laguntza publikoak jasotzeko aukera galtzearen zigorra jaso izana; edo prebarikazioarekin, funtzionario-eroskeriarekin, ondasun publikoak bidegabe erabiltzearekin, influentzia-trafikoarekin, iruzurrekin eta legearen aurkako ordainarazpenekin lotutako delituengatik edo delitu urbanistikoengatik zigorra jaso izana.

b) Borondatezko konkurtso-aitorpena eskatu izana, prozeduraren batean kaudimengabetzat aitortu izana, konkurtsoan aitortuta egotea (hitzarmen bat eragingarri bihurtu denean izan ezik), esku-hartze judizial baten mende egotea edo 2003ko uztailaren 9ko 22/2003 Konkurtso Legeak xedatutakoaren arabera ezgaituta egotea, konkurtsoa kalifikatzeko epaian ezarritako ezgaitze-aldia amaitu gabe egonda.

c) Kausaren batean errudun deklaratu izateagatik, Administrazioarekin egindako edozein kontraturen suntsiarazpen irmoa eragin izana.

d) Pertsona fisikoa, merkataritza-sozietateetako administratzaileak edo beste pertsona fisiko batzuen legezko ordezkariak direnak honako lege hauek jasotako kasuren batean sartuta egotea bateraezintasuneko erregimenari dagokionez: Administrazio Publikoen zerbitzura dauden langileen bateraezintasunei buruzko 1984ko abenduaren 26ko 53/1984 Legea eta Kargudun Publikoen Interes Gatazkak eta Jokabide Kodea Araitzen dituen 2014ko ekainaren 26ko 1/2014 Legea, edo Hauteskunde Erregimen Orokorrari buruzko 1985eko ekainaren 19ko 5/1985 Lege Organikoan xedatutako hautetsia izatea, gai horiek arautzen dituen araudi autonomikoan edo lege horretan ezarritako baldintzen arabera.



e) Indarrean dauden xedapenek ezartzen dituzten zerga-betebeharrak edo Gizarte Segurantzarekiko betebeharrak egunean ez izatea, araudiak zehazten duen moduan.

f) Zerga-egoitza erregelamenduz zerga-paradisua gisa kalifikatutako herrialde edo lurralde batean izatea.

g) Dirulaguntzak itzultzeko betebeharrarekin lotutako ordainketak egunean ez izatea, araudiak zehazten dituen baldintzetan.

h) Epai irmo baten bidez, zigor gisa, dirulaguntzak jasotzeko aukera galdu izana, lege honen edo hala ezartzen duten beste lege batzuen arabera. Zehatzago esanda, dirulaguntzen onuradun edo erakunde kolaboratzaile izaera ezin izango dute eduki sexu-arrazoiarekin lotutako jarduera baztertzaila egin badute edo sexu-arrazoiengatik bazterkeria egiteagatik edo emakumeen eta gizonen berdintasunari buruzko araudia ez betetzeagatik zigor administratiboa edo penala jaso badute, zigor horretan ezarritako aldiaren zehar. Honako enpresa hauek ere ezingo dute jaso laguntzarik edo dirulaguntzarik: Estatuko araudiaren arabera berdintasun-plan bat izan behar dutenek baina ez dutenak; eta 50 langile baino gehiago izanik, sexu-jazarpena do sexu-arrazoiengatik jazarpena prebenitzeko eta hari aurre egiteko neurriak ezarri izana ziurtatzen ez duten enpresek, emakumeen eta gizonen berdintasunari buruzko Estatuko legediak ezarritako baldintzetan.

i) Pertsona fisikoa edo juridikoa, pribatua edo publikoa, Hondakinak eta Lurzoru Kutsatuak arautu eta Ekonomia Zirkularra bultzatzeko 2022ko apirilaren 8ko 7/2022 Legean edo Euskadiko Ingurumen Administrazioaren 2021eko abenduaren 9ko 10/2021 Legean aurreikusitako arau-hauste larri edo oso larriengatik administrazio-bidean ebazpen irmo bidez zehatua egotea, dagozkion neurri zuzentzaileak abian jarri eta isuna ordaindu arte.

j) Desgaitasuna duten pertsonen mesedetan lanpostuak erreserbatzeko lege ezarritako kuota ez bete izana, hori bete ahal izateko neurri alternatiboak abian jarri direla frogatu gabe.

c) Europako Batzordeak laguntza bat lege kanpoko delak edo barne-merkatuarekin bateraezina dela erabaki ondoren, laguntzak erreperatzeko agindu baten menpe egotea.

d) LGTBIfobia egin, bultzatu edo sustatzea, bihurketa-terapiak sustatu edo egitea barne, trans pertsonen berdintasun erreal eta eragingarriko eta LGTBI pertsonen eskubideak bermatzeko otsailaren 28ko 4/2023 Legearen arabera.

e) Aurreko hiru urteetan de minimis laguntza gisa 300.000 euro baino gehiago jaso izana.

f) 30.000 eurotik gorako dirulaguntzen eta enpresen kasuan soilik, merkataritza-eragiketetan berankortasunaren aurka egiteko neurriak ezartzen dituen 2004ko abenduaren 29ko 3/2004 Legeak aurreikusten dituen ordainketa-epeak ez betetzea.

g) 1.1 artikulua arabera, 2023/2831 Erregelamendutik kanpo utzitako sektoreren batean jarduerak egitea.

– Adierazpen honek barne hartzen duela eskatzailearen konpromisoa enpresa ez deslokalizatzeko (DEALen 49. artikuluan jasotako baldintzen arabera) eta gehiegizko finantzaketarik ez egiteko (DEALen 9.4.h) artikulua arabera).



II.–

- Indarrean dagoen araudian jasotako eskakizunak betetzen ditut.

• Eskaera honetako datu guztiak eta aurkeztutako dokumentazio guztian jasotakoak egiazkoak eta osoak dira. Horrekin lotuta, dagokion erantzukizuna hartuko dut neure gain (Administrazio Publikoen Administrazio Prozedura Erkideari buruzko 2015eko urriaren 1eko 39/2015 Legeko 28.7 artikulua).

III.– Erantzukizunpeko adierazpen edo komunikazio batean gehitutako edozein datu edo informazio guztiz zuzena ez bada, faltsua bada edo hutsak baditu, edo horiek Administrazio eskudunaren aurrean aurkezten ez badira, ezingo da eraginpeko eskubidea edo jarduera gauzatu, gertakari horien berri izaten den unetik bertatik; gainera, dagozkion erantzukizun penalak, zibilak edo administratiboak ezarriko zaizkio, 2015eko urriaren 1eko 39/2015 Legearen 69. artikuluko 4. apartatuan ezarritakoaren arabera.

[...] Goian jasotako adierazpenen edukia onartzea.



II. ERANSKINA

SEEP-EN JARDUKETEN EXEKUZIOARI DAGOKIONEZ DATUAK LAGATZEKO ETA TRATATZEKO ADIERAZPENAREN EREDUA

_____ jaunak/andreak, bere izenean edo _____ (kontratista/onuraduna) ordezkatzuz (IFK: _____; zerga-egoitza: _____), SEEPetik eratorritako baliabideekin finantzatutako dirulaguntzen onuraduna izanik, «Sektoreko datuen espazioak» 1. Inbertsioko 12. Osagarrian definitutako helburuak lortzeko beharrezko jarduketak garatzeko kontratista/azpikontratista/onuradun gisa, adierazten du aplikagarria zaion araudia ezagutzen duela, bereziki Suspertze eta Erresilientzia Mekanismoa ezartzen duen Europako Parlamentuaren eta Kontseiluaren 2021eko otsailaren 12ko (EB) 2021/41 Erregelamenduaren 22. artikuluko apartatu hauek:

1.– 2. apartatuko d) letra: «auditorretza eta kontrola egiteko eta funtsen erabilerari buruzko datu alderagarriak izateko, suspertze- eta erresilientzia-planaren esparruan egindako erreformak eta inbertsio-proiektuak exekutatzekeo neurriei dagokienez, datu hauen kategoria harmonizatuak bildu eta sarbidea bermatu behar da:

a) funtsen amaierako hartzailearen izena;

b) kontratatzailearen eta azpi-kontratatzalearen izena, funtsen amaierako hartzailea Europar Batasuneko edo estatuko eskubidearen arabera ahalmen esleitzale bat denean, kontratazio publikoaren arloan;

c) Funtsen hartzailearen edo kontratistaren benetako titularren izen-abizenak eta jaiotze-datak, Europako parlamentuaren eta Kontseiluaren (26) (EB) 2015/849 Zuzentarauaren 6. puntuko 3. artikuluan definitzen denaren arabera;

d) Suspertze, Eraldaketa eta Erresilientzia Planaren esparruan Erreformat eta Inbertsio Proiektuak exekutatzekeo neurrien zerrenda, neurri horien finantzaketa publikoaren zenbateko osoarekin eta mekanismoaren esparruan eta batasunaren beste funts batzuetan ordaindutako funtsen zenbatekoa adieraziz».

2.– 3. apartatua: «Artikulu honetako 2.d) apartatuan aipatutako datu pertsonalak soilik estatu kideek eta batzordeek tratatuko dituzte, aurrekontuaren kudeaketa onartzeko dagokion auditorretzaren eta 15.2 artikuluko eta 23.1. artikuluko adierazitako akordioak aplikatzearekin lotutako funtsak erabiltzearekin lotutako kontrol-prozeduren ondorioetarako eta iraun bitartean. Batzordearen kudeaketa onartzeko prozeduraren esparruan, TFUEren 319. artikuluko arabera, mekanismo horretarako txostenak aurkeztu beharko dira finantza-informazioari eta kontuak emateari buruz, Finantza Erregelamenduaren 247. artikuluko eta, zehazki, urteko kudeaketa- eta errendimendu-txostenak adierazten duen moduan».

Azaldutako esparru juridikoaren arabera, adierazten du datuak aipatutako artikuluetan adierazitako helburuetarako soilik tratatu eta lagako dituela.

_____(e)an 20____(e)ko _____(e)ko ____ (e)an.

Sinatuta:



III. ERANSKINA

SEEP-EN JARDUKETEN EXEKUZIOARI DAGOKIONEZ KONPROMISOA ADIERAZTEKO EREDUA

_____ jaunak/andreak, bere izenean edo _____
(operadore ekonomikoa) ordezkatzuz (operadore ekonomikoaren IFZ: _____).

C12.I01.P01.S05.SI01.Provisional.03 espediente-zenbakia duten dirulaguntzen lizitazio/deialdi prozedurari dagokionez

Lehenengoa.– Arau juridikoak, etikoak eta moralak betetzeko estandarrik zorrotzenak betetzeko konpromisoa hartzen duela, iruzurra, ustelkeria eta interes-gatazkak prebenitzeko eta hautemateko beharrezko neurriak egokituz, eta, hala badagokio, hautemandako ez betetzeak dagozkien autoritateei jakinaraziz.

Bigarrena.– SEEPen edukiari dagokionez, konpromisoa hartzen duela ekonomia zirkularraren printzipioak errespetatzeko eta ingurumenean inpaktu negatibo esanguratsuak ekiditeko ("DNSH", ingelesezko "do no significant harm" siglengatik) Plan horren barruan egindako jarduketak exekutatzeko garaian.

Hirugarrena.– Finantzaketa bikoitzik ez egotea eta, hala badagokio, estatuko dirulaguntzen erregimenarekin bateraezintasun-arriskurik ez izatea.

_____(e)an 20__(e)ko _____ (e)ko ____ (e)an.

Sinadura



IV. ERANSKINA

INGURUMENARI KALTE ESANGURATSURIK EZ ERAGITEKO ERANTZUKIZUNPEKO
ADIERAZPENAREN EREDUA (DNSH PRINTZIOA)

_____ jaunak/andreak, bere izenean edo _____
(operadore ekonomikoa) ordezkatzuz (operadore ekonomikoaren IFZ: _____),

C12.I01.P01.S05.SI01.Provisional.03 espediente-zenbakia duten dirulaguntzen lizitazio/deialdi prozedurari dagokionez.

Lehenengoa.– Baldintza hauek betetzen dituela.

1.– Garatutako jarduerak kalte esanguratsurik ez eragitea ingurumeneko helburu hauetan, ingurumeneko jarduera ekonomiko jasangarrien sailkapen-sistema (edo «taxonomia») bat ezarriz inbertsio jasangarriak egitea sustatzeko esparru bat ezartzeari buruzko (EB) 2020/852 Erregelamenduaren 17. artikuluaaren arabera:

Klima-aldaketa arintzea.

Klima-aldaketara egokitzea.

Baliabide hidrikoen eta itsasokoen erabilera jasangarria eta babesa.

Ekonomia zirkularra, hondakinen prebentzioa eta birziklapena barne.

Atmosferako, ureko edo lurzoruko kutsaduraren prebentzioa eta kontrola.

Biodibertsitatea eta ekosistemak babestea eta suspertzea.

2.– Hala badagokio, jarduerak Osagarriaren Neurriarentzat eta Azpineurriarentzat finkatutako eta Suspertze, Eraldaketa eta Erresilientzia Planean islatutako ezaugarrietara eta baldintzetara egokitzen dira.

3.– Proiektuan garatzen diren jarduerak aplikagarria den indarreko ingurumen-araudia beteko dute.

4.– Garatzen diren jarduerak ez daude Planaren finantzaketatik salbuetsita, Suspertze eta Erresilientzia mekanismoari buruzko Erregelamendua (2021/C58/01) betez «kalte esanguratsurik ez eragiteko» printzipioa aplikatzeari buruzko gida teknikoaren arabera, Espainiako Suspertze eta Erresilientzia Planaren ebaluazioa onartzeari buruzko Kontseiluaren Exekuzio Erabakiaren proposamenaren arabera eta haren Eranskinaren arabera.

5.– Garatzen diren jarduerak ez dute eragin zuzenik ingurumenean ezta zeharkako lehen mailako eraginik ere bizi-ziklo osoan. Eragin horiek dira amaitu ondoren, jarduera egin eta gero gauzatu daitezkeenak.

Bigarrena.– Adierazpen honetan ezarritako baldintzetako bat betetzen ez bada, badakiela eta onartzen duela jasotako kopuruak eta dagozkion berandutze-interesak itzuli beharko dituela.

_____(e)an 20__(e)ko _____(e)ko ____ (e)an.

Sinatuta:



V. ERANSKINA

IRUZURRAREN AURKAKO POLITIKA EZAGUTZEN DUELA ETA HORRI ATXIKITZEN ZAIOLA
ADIERAZTEKO ERANTZUKIZUNPEKO ADIERAZPENAREN EREDUA

_____ jaunak/andreak, bere izenean edo _____ ordezkatzuz, hau

ADIERAZTEN DU:

Lehenengoa.– Iruzurraren aurkako neurrien plan propioa dutela, eta hura bat datorrela Suspertze eta Erresilientzia Mekanismoa ezartzen duen Europako Parlamentuaren eta Kontseiluaren 2021eko otsailaren 12ko (EB) 2021/241 Erregelamenduan eta irailaren 29ko HFP/1030/2021 Aginduan xedatutakoarekin, Kontu Hartzailatza Nagusiek eta Zerbitzu Juridikoek Suspertze eta Erresilientzia Mekanismoen arloan ematen dituzten gomendioekin, erakunde publikoetako kontrol-organo baliokideekin eta jarraibideekin, bai eta EBk iruzurraren aurka ezartzen duenarekin ere.

Halakorik ezean, bat egiten dute Eusko Jaurlaritzaren Suspertze, Eraldatze eta Erresilientzia Plana egikaritzeko orduan iruzurraren, interes-gatazken, finantzaketa bikoitzaren eta estatu-laguntzen kontra egiteko eta ingurumenari kalte nabarmenik ez egiteko eskatzen diren baldintzak betetzeko neurrien planarekin, zeina Gobernu Kontseiluak onartu baitzuen 2022ko martxoaren 29an.

Bigarrena.– Iruzurraren aurkako politikaren edukia eta horri dagokionez ezartzen diren betebeharrak ezagutzen dituela eta ahalik eta publizitaterik handiena emateko konpromisoa hartzen duela.

Hirugarrena.– Iruzurraren aurkako borrokaren arloan Eusko Jaurlaritzarekin hitz egiteko hizlari gisa _____ jaun/andrea ezartzen duela.

_____(e)an 20____(e)ko _____(e)ko ____ (e)an.

Sinatuta:



VI. ERANSKINA

TITULARTASUN ERREALAREN ERANTZUKIZUNPEKO ADIERAZPENAREN EREDUA

_____ jaunak/andreak (NAN zenbakia: _____),
 _____ erakundearen titularra/ordezkaria den aldetik (IFZ: _____;
 zerga-egoitza: _____), eta SEEptik datozen baliabideen hartzailea den
 aldetik _____ izeneko (deialdiaren izena) jarduketaren
 esparruan, hau

ADIERAZTEN DU:

Lehenengoa. – Badakiela irailaren 29ko HFP/1031/2021 Agindua 8. artikuluan zer xedatzen duen, Europako Parlamentuaren eta Kontseiluaren 2021eko otsailaren 12ko (EB) 2021/241 Erregelamenduaren 22.d) artikuluko eskakizuna betetzeko; funtsen azken hartzailearen identifikazioari buruzko informazioa eman behar da (funtsen hartzailearen izen-abizenak eta benetako titularren jaioteguna, Europako Parlamentuaren eta Kontseiluaren 2015/849 (EB) Zuzentarauaren 3. artikulua 6. puntuan benetako titularraz ematen duen definizioa kontuan hartuta).

Bigarrena.– Europako Parlamentuaren eta Kontseiluaren 2015/849 (EB) Zuzentarauaren 3. artikuluko 6. puntuan adierazitakoaren arabera honako hauek direla benetako titularrak (hau da, jabetza edo azken buruan bezzeroaren kontrola duten pertsona fisikoak edo beren kontura transakzio edo jarduerak egiten diren pertsona fisikoak):

Titulartasun erreala				
Bazkidearen edo akziodunaren izen osoa	NAN/AIZ/Pasaportea	Nazionalitatea edo egoitza soziala	Jaiotze-data	Parte-hartzea (%)

Hirugarrena.– Badakiela ezen, eskatuz gero, benetako titularren/titularren notario-aktaren kopia entregatu beharko diola Eusko Jaurlaritzako erakunde betearazleari, azken esleipenduna edo hartzailea merkataritza-sozietate bat bada, Europako Parlamentuaren eta Kontseiluaren 2021eko otsailaren 12ko 2021/241 (EB) Erregelamenduan eta irailaren 29ko HFP/1031/2021 Aginduan ezarritakoaren arabera..

_____ (e)an 20__ (e)ko _____ (e)ko ____ (e)an.

Sinatuta:

Kargua:



VII. ERANSKINA

FINANTZAKETA BIKOITZIK EZ DAGOELA ADIERAZTEN DUEN ERANTZUKIZUNPEKO ADIERAZPENAREN EREDUA

_____, jaunak/andreak (NAN zenbakia: _____),
 _____ erakundearen titularra/ordezkarria den aldetik (IFZ: _____);
 zerga-egoitza: _____), eta SEEPetik datozen
 baliabideen hartzaile den aldetik _____ (deialdiaren izena)
 izeneko jardueraren esparruan, erantzukizunpeko adierazpen hau egiten du alderdi hauei buruz:

☐ Suspertze eta Erresilientzia Mekanismoa ezartzen duen Europako Parlamentuaren eta Kontseiluaren 2021eko otsailaren 12ko (EB) 2021/241 Erregelamenduan jasota ez dagoen Europar Batasuneko beste funtsik ez duela jaso eta etorkizunean ez dela aurkeztuko estatuko edo EBko aurrekontutik eratorritako beste edozein finantzaketa-funtsera.

Aurreko laukian baiezkoa markatuz gero soilik jarraitu; hau da, proiektuak xede horretarako finantzaketa jaso badu edo etorkizunean beste edozein funtsetatik finantzaketa jasotzea espero badu:

☐ Dirulaguntzen esleipena arautzen duten oinarrietan ezarritako mugetara egokitze konpromisoa hartzen duela.

☐ Suspertze, Eraldaketa eta Erresilientzia Planaren kudeaketa-sistema konfiguratzeko 2021eko irailaren 29ko HFP/1030/2021 Aginduaren 7. artikulua xedatzen duenaren arabera, finantzaketa bikoitzik ez dagoela bermatzeko gastuen jarraipena egiteko konpromisoa hartzen duela.

☐ Mekanismoak eta kudeaketarako gaitasuna dituela proiektuaren finantzaketaren trazabilitatea bermatzeko.

☐ Dirulaguntzen Erregimena Arautzen duen 2023ko abenduaren 21eko 20/2023 Legearen 32.5 artikulua arabera, finantzaketa bikoitzik ez dagoela egiaztatu ahal izateko dagokion dokumentazio justifikatzailea aurkezteko konpromisoa hartzen duela.

☐ Datu hauek identifikatzen dira:

DIRULAGUNTZA PUBLIKOAK: Xede berberarekin edozein administrazio edo entitate publikok emandako edo hari eskatutako laguntzak eta dirulaguntzak			
Administrazioa edo Erakunde publikoa	Xedea	Egoera	Guztira (€)
Eskatutakoa guztira: _____ €		Emandakoa guztira: _____ €	

_____ (e)an 20__ (e)ko _____ (e)ko ____ (e)an.

Sinatuta:

Kargua:



VIII. ERANSKINA

INTERES-GATAZKARIK EZ DAGOELA BERMATZEN DUEN ADIERAZPENA

(HFP/1030/2021 Agindua)

Azpi-proiektua: (Zenbakia eta izena).

Tresna juridikoa:

Espedientea (Zenbakia eta izena):

Onuradunaren izena, abizenak eta IFK:

Kargua:

Izen-abizenak:

IFZ:

Goian aipatutako prozeduraren inpartzialtasuna bermatze aldera, behean prozesuaren kudeaketan edo exekuzioan parte hartzen dutela sinatu dutenek honakoa adierazten dute:

Lehenengoa.– Informazioa dutela honakoei buruz.

1.– Europako Parlamentuaren eta Kontseiluaren uztailaren 18ko 2018/1046 Erregelamenduaren (EB, Euratom) (EBren Finantza Erregelamendua) «Interes-gatazkak» izeneko 61.3 artikulua ezartzen duela «interes-gatazka egongo dela funtzioen gauzatze inpartzial eta objektiboa arriskuan jartzen denean familiako arrazoiengatik, arrazoi afektiboengatik, kidetasun politikoagatik edo nazionalagatik, interes ekonomikoagatik edo interes pertsonaleko beste edozein arrazoi zuzen edo zeharkakogatik».

2.– Sektore Publikoko Kontratuei buruzko 2017ko azaroaren 8ko 9/2017 Legearen «Ustelkeriaren aurkako borroka eta interes-gatazken prebentzioa» izeneko 64. artikulua helburua dela konpetentziaren edozein lausotze ekiditea eta prozeduran gardentasuna bermatzea, eta hautagai eta lizitatzailerik guztien tratu-berdintasuna bermatzea.

3.– Sektore Publikoaren Erregimen Juridikoari buruzko 2015eko urriaren 1eko 40/2015 Legearen «Abstentzioa» izeneko 23. artikulua ezartzen duela prozeduran ez dutela esku hartu behar «hurrengo apartatuan adierazitako egoeraren batean dauden autoritateek eta Administrazio zerbitzuetako langileek»:

a) Jorratzen den gaian edo bere ebazpenak gai horretan eragina izan dezakeen beste edozeinetan interes pertsonala izatea; sozietate edo erakunde interesdunaren administratzailea izatea; edo interesdunen batekin auziak izatea.

b) Interesdunekin, erakunde edo sozietate interesdunetako administratzaileekin edota prozeduran esku hartzen duten aholkulariekin, legezko ordezkariekin edo agintariekin ezkondata egotea edo antzeko egoera batean egotea eta laugarren mailara arteko odol-ahaidetasuna edo bigarren mailara arteko ahaidetasuna izatea, edota bulego profesionala partekatzea edo aholkularitzarako, ordezkaritzarako edo aginterako bazkide izatea.

c) Aurreko apartatuan adierazitako norbaitekin laguntasun estua edo etsaitasuna izatea.



d) Prozedura horretan peritu edo lekuko gisa esku hartu izana.

e) Gaian interes zuzena duen pertsona natural edo juridikoarekin zerbitzu-harremana izatea edo azken urteetan edozein motatako zerbitzu profesionala eskaini izana, edozein egoera edo lekutan.

Bigarrena.– Honakoa adierazten dut:

1.– EBren Finantza Erregelamenduaren 61.3 artikuluan adierazitako interes-gatazkarik ez dutela eta prozesuari eragin diezaiokeen Sektore Publikoaren Erregimen Juridikoari buruzko 2015eko urriaren 1eko 40/2015 Legearen 23.2 artikuluan adierazitako abstentzio kasurik ez dagoela.

Hirugarrena.– Honakoa adierazten dut:

1.– Agertoki horretara eraman dezakeen edozein interes-gatazkaren edo abstentzio-arrazoiren berri emango diola luzamendurik gabe kontratazio-organoari/hautaketa-organoari.

2.– Sektore Publikoko Kontratuei buruzko 2007ko azaroaren 8ko 9/2007 Legearen 133. artikuluan ezarritako betebeharren esparruan jasota dauden prozedura horietan garatzen diren gaiak eta dokumentuak konfidentzialtasunez jorratuko dituela.

Laugarrena. Honakoa adierazten dut:

1.– Interes-gatazkaren bat gezurra dela egiaztatzen bada, araudi aplikagarriak ezartzen dituen ondorio diziplinarioak/administratiboak/judizialak izango dituela badakidala.

(Eguna eta sinadura, izen osoa eta NANA)



IX. ERANSKINA

INTERES-GATAZKARIK EZ DAGOELA BERMATZEN DUEN ADIERAZPEN-EREDUA

(HFP/55/2023 agindua)

Azpi-proiektua: (Zenbakia eta izena)

Tresna juridikoa

Espedientea (Zenbakia eta izena):

Onuradunaren izena, abizenak eta IFK:

Kargua:

Izen-abizenak:

IFZ:

Goian aipatutako kontratazio/dirulaguntza-prozeduraren inpartzialtasuna bermatze aldera, behean kudeaketaren prestaketan eta tramitazioan parte hartzen dutela sinatu dutenek honakoa adierazten dute:

Lehenengoa.

Honi buruzko informazioa izatea:

1.– Europako Parlamentuaren eta Kontseiluaren uztailaren 18ko 2018/1046 Erregelamenduaren (EB, Euratom) (EBren Finantza Erregelamendua) «Interes-gatazkak» izeneko 61.3 artikulua ezartzen duela «interes-gatazka egongo dela funtzioen gauzatze inpartzial eta objektiboa arriskuan jartzen denean familiak arrazoiengatik, arrazoi afektiboengatik, kideetasun politikoagatik edo nazionalagatik, interes ekonomikoagatik edo interes pertsonaleko beste edozein arrazoi zuzen edo zeharkakogatik».

2.– Europako Parlamentuaren eta Kontseiluaren 2014ko otsailaren 26ko 2014/23/EB eta 2014/24/EB Zuzentarauak Espainiako ordenamendu juridikoan aplikatzen dituen Sektore Publikoko Kontratuei buruzko 2017ko azaroaren 8ko 9/2017 Legearen «Ustelkeriaren aurkako borroka eta interes-gatazken prebentzioa» izeneko 64. artikulua honela definitzen duela interes-gatazka: «kontratazio-organoaren zerbitzura dagoen eta, gainera, lizitazio-prozeduraren garapenean parte hartzen duen eta bere emaitzan eragin dezakeen langile batek interes finantzario, ekonomiko edo pertsonal zuzena edo zeharkakoa izatea eta lizitazio-prozeduraren testuinguruan duen bere inpartzialtasuna eta independentzia konprometitzea».

3.– 2023rako Estatuko Aurrekontu Orokorrei buruzko 2022ko abenduaren 23ko 31/2022 Legearen ehun eta hamabigarren Xedapen Gehigarriaren 3. apartatuak honakoa ezartzen duela: «Interes-gatazkaren arriskuaren azterketa sistematiko eta automatizatua egitea dagokie kontratuak esleitzeko edo dirulaguntzak emateko deskribatutako prozeduretan banaka edo elkargo-organoen bidez parte hartzen duten eta erabakiak hartzen dituzten erakundeek, erakunde exekututzaileen eta instrumentalen zerbitzura dauden langile publikoei eta gainerako langileei».



4.– Aipatutako ehun eta hamabigarren xedapen gehigarriaren 4. apartatuak hau xedatzen duela:

– «Tresna informatikoaren bitartez aztertuko dira aurreko apartatuan aipatutako pertsonen eta prozedura bakoitzeko parte-hartzaileen artean interes-gatazka sor dezaketen interes pertsonal edo ekonomikoa duten balizko harreman familiar edo sozietate-lotura zuzenak zein zeharkakoak».

– «Harremanak edo loturak identifikatzeko, tresnak, besteak beste, 2021eko otsailaren 12ko (EB) 241/2021 Erregelamenduaren 22.2.d).iii) artikuluan aipatzen diren pertsona juridikoen titulartasun errealari buruzko datuak jasoko ditu, Zerga Administrazioaren Estatuko Agentziaren datu-basean ageri direnak eta Notariotza Elkargoekin eta Erregistratzaileekin sinatutako hitzarmenen bidez lortutakoak».

Bigarrena.– Adierazpen hau sinatzeko unean eta bere esku dagoen informazioaren arabera, ez dagoela dirulaguntzen lizitazio/esleipen-prozedurari eragin diezaiokeen edozein interes-gatazkatan sartuta, ehun eta hamabigarren xedapen gehigarriaren laugarren apartatuan aurreikusitako terminoetan.

Hirugarrena.– Konpromisoa hartzen duela kontratazio-organoari/ebaluazio-batzordeari jakinarazteko, luzamendurik gabe, prozeduraren edozein unetan jakin eta gerta litekeen edozein interes-gatazkaren berri.

Laugarrena.– Interes-gatazkaren bat gezurra dela egiaztatzen bada, badakiela araudi aplikagarriak ezartzen dituen ondorio diziplinarioak/administratiboak/judizialak izango dituela.

(Eguna eta sinadura, izen osoa eta NAN)



X. ERANSKINA

C12.I1 INBERTSIOA EXEKUTATZEKO BALDINTZA ESPEZIFIKOAK

12. osagarriaren («Espainia 2030 Industria Politika») helburua industria-zerbitzuen Espainiako ekosistemaren modernizazioa eta produktibitatea sustatzea da, balio-katea digitalizatuz eta produktibitatea, lehiakortasuna eta trantsizio ekologikoan eta eraldaketa digitalean funtsezkoak diren sektore estrategikoen energia-eraginkortasuna hobetuz. Proiektu horrek 180. helburua lortzen laguntzen du.

180. helburuaren xedea da sektore estrategikoetan balio handiko datu-espazio sektorial handi eta elkarreragingarriak sortzea. Gutxienez lau nekazaritzako elikagaien sektorean, mugikortasun iraunkorraren sektorean, osasunaren sektorean eta merkataritzaren sektorean.

Bereziki, ingurumenari kalte nabarmenik ez egiteko printzipioari dagokionez (DNSH):

a) Jarduera honen esparruan eskuratutako ekipo teknologikoen zerbitzarietarako eta datuen biltegiatzaileentzako, edo ordenagailu eta ordenagailuen zerbitzarietarako edo pantaila elektronikoentzako 2009/125/EC Zuzentarauaren energia-baldintzak bete beharko dituzte.

b) Energiari dagokionez eraginkorrak diren eta Europako Batzordearen «Code of Conduct for ICT» delakoa erabat errespetatzen duten ekipoen erosketa ziurtatzeko neurriak aktibatuko dira, eta ezarritako tresna elektriko eta elektronikoaren iraunkortasuna, konponketa-, eguneratze- eta berrerabilpen-aukera areagotzeko neurriak hartuko dira.

c) Ekipoen zerbitzarietarako eta datuen biltegiatzaileentzako, edo ordenagailu eta ordenagailuen zerbitzarietarako edo pantaila elektronikoentzako 2009/125/EC Zuzentarauaren efizientzia baldintzak bete beharko dituzte. Erabiltako ekipoen ezingo dute izan 2011/65/UE Zuzentarauaren II. eranskinean zerrendatutako substantziarik, material homogeneoen kontzentrazioak eranskin horretan zerrendatutakoa gainditzen ez badu salbu.

d) Bere bizitza erabilgarriaren amaieran, ekipoak berrerabiltzeko, berreskuratzeko edo birziklatzeko operazioetarako prestatuko dira edo tratamendu egokia egingo zaie, fluxu guztiak kentzea eta 2012/19/UE Zuzentarauaren VII. eranskinaren arabera gaikako tratamendua barne.

Halaber, etiketatze berdearen eta etiketatze digitalaren betebeharrak betetzen direla bermatuko dute, Suspertze, Eraldaketa eta Erresilientzia Planean eta Europako Parlamentuaren eta Kontseiluaren 2021eko otsailaren 12ko (EB) 2021/241 Erregelamenduan ezarritako Suspertze eta Erresilientzia Mekanismoan aurreikusitakoaren arabera.

Horrez gain:

a) Erabiltzen diren ekipoen datuen biltegiatze eta zerbitzarietarako edo pantaila elektroniko edo ordenagailuen zerbitzari eta ordenagailuetarako 2009/125/EC Zuzentarauaren arabera ezarritako energia-kontsumoarekin lotutako baldintzak bete beharko dituzte.

b) IT azpiegiturak instalatzeko, datu-zentroen efizientzia energetikoari buruzko Europako portaera-kodearen bertsiorik berriena edo «Datu-zentroetako instalazioek eta azpiegiturak - 99-1 zatia: kudeaketa energetikorako gomendatutako jarduketak» CENCENELEC CLC TR50600-99-1 dokumentuan ezarritakoa jarraitu beharko da.



c) Arrisku klimatikoaren eta IT azpiegituren instalazioen kalteberatasuna ebaluatuko da eta, hala badagokio, kasu bakoitzerako egokitzapen-soluzio egokiak ezarriko dira.

d) Uraren kalitatea bermatzearekin eta estres hidrikoa prebenitzearekin lotutako ingurumenaren narriadura-arriskuak identifikatu eta jorratuko dira, uraren egoera ona eta potentzial ekologiko ona lortzeko, (EB) 2020/852 Erregelamenduaren 2. artikulua 22. eta 23. puntuetan definitzen den moduan, Europako Parlamentuaren eta Kontseiluaren 2000/60/CE Zuzentarauaren arabera. Halaber, ura erabiltzeko eta babesteko kudeaketa-plana egin beharko da eta kaltetutako balizko uraren masaren edo masen arabera garatu beharko da, alderdi interesdunekin kontsultatu ondoren.

e) Inbertsio honetan aurreikusitako arriskutsuak ez diren eraikuntzako eta eraisketako hondakinen % 70 gutxienez (pisutan) (2000/532/EC Erabakiak ezarritako hondakinen Europako zerrendako 17 05 04 kategorian aipatutako material naturala kenduta) berrerabiltzeko, birziklatzeko eta beste material batzuk berreskuratzeko prestatuko da. Tartean, beste material batzuk ordezkatzeko hondakinak erabiliz betetze-operazioak egingo dira, hondakinen hierarkiaren eta EBko eraikuntzako eta eraisketako hondakinen kudeaketa-protokoloaren arabera.

f) IT azpiegiturak eraikitzeaz arduratzen diren agenteek hondakinen sorrera mugatuko dute eraikuntzarekin eta eraispenarekin lotutako prozesuetan, EBko eraikuntza- eta eraispen-hondakinak kudeatzeko protokoloarekin bat etorri eta eskura dauden teknika onenak kontuan hartuta, eta eraispen selektiboa erabiliz, substantzia arriskutsuak ezabatu eta segurtasunez manipulatu ahal izateko eta kalitate handiko berrerabiltzea eta birziklatzea errazteko, materialak gaika ezabatuz, eraikuntza- eta eraispen-hondakinetarako eskuragarri dauden sailkapen-sistemak erabiliz.

g) Eraikinen diseinuek eta eraikuntza-teknikek zirkulartasunari lagunduko diote ISO 20887 arauari dagokionez, eraikinen desmuntatzeko edo egokitzeko gaitasuna ebaluatzeko, eraikinak baliabideen erabilera eraginkorragoak, moldagarriak, malguak eta desmuntagarriak izateko diseinatuta baitaude, berrerabiltzea eta birziklatzea ahalbidetzeko.

h) Obraren fasean zehar zarata, hautsa eta isurpen kutsatzaileak murrizteko neurriak ezarriko dira eta neurri horrekin lotutako jarduketak exekutatuko dira, betiere lurzoruen eta uraren balizko kutsadurari dagokionez indarrean dagoen araudi aplikagarria betez.

i) IT azpiegituren instalazioek ekosistemen baldintza onetan eta erresilientzian, zein habitaten eta espezieen kontserbazio-egoeran eragin negatiborik ez izatea bermatuko da, zehazki, Batasunaren intereseko espazioetan. Horregatik, derrigorrezkoa denean, Ingurumeneko Inpaktuaren Ebaluazioa egingo du 2011/92/EU Zuzentaruaren ezartzen den moduan.